

Das Gott das ainig ain / vnd
höchstes güt / sein almechtigs / wars / lebendigs wort /
will / kunst / gesatz / Sun / sinn / Caracter / liecht / leben /
Bild / Reich / arm / gayst / krafft / hand / Christus / der
Ney mensch / vñ des weybs Som / neben der Schlan-
gen somen / in aller menschen hertz sey / Aber zur selig-
kait nit gnüg / wir seyen dan auch widerum in Got /
Christo / vnnnd seinem Reich / wie sy in vnns . Item
das wort / Christus / der ney mensch / werde dann
in vnns wie empfunden vnd empfangen /
also geboren / gewist / gelesen / gebraucht /
vñ angelegt . Zeügnus der hailigen
schriffte / der Hayden / alten
lernern vnd vättern .
Zusamengetragen durch Se-
bastian Francken von Wörd .

Das wort ist nahend in deinem mund vnd
in deinem hertzen . Deut. 30. Rom. 10.

M. D. XXXIIII.

...the ... of ...
...the ... of ...
...the ... of ...

...the ... of ...
...the ... of ...
...the ... of ...

...the ... of ...
...the ... of ...
...the ... of ...

...the ... of ...
...the ... of ...
...the ... of ...

...the ... of ...
...the ... of ...
...the ... of ...

Das Gott aller wesen wesen sey/

alle creatur inwone/erfüll/vnd mit seinem wort
wie erschafft/ also trag/ ernere/vnd erhalt/ im
menschen aber/ den er zu seinem Bild vnd Tem-
pel erschaffen hat/ mit ainem sondern Priuile-
gio/ als in seinem reich vnnnd eigenthüm wone/
also/ das alle creatur sein vol ist/ vnd Gott alles
in allen sey vnnnd wirck/ Zeügknus der schufft.

MEin gayst würde nit ymmer zu richter sein im mens-
schē/ dan er ist flaisch. Das ist/ der mensch ist durch
sein abfall zu den creaturen aufstōt/ daß er dem
H. gaist in jm nymmer zūloset/ oder richter sein laßt. Dar-
umb würde auch mein gaist nit ewig in jm bleiben (wieder
alt text hat) vnd geschehen were/ Wa der mensch nit von
Gott abgefallen were/ daß in der gayst Gottes ewig bey le-
ben betterhalten/ vñ nymmer verlassen/ Nun er aber flaisch
vnd an Gott zūm schelmen worden ist/ würde mein gaist nit
ewig in jm bleiben/ in jm zanken/ vnnnd richter sein/ Oder
wie Pagninus verdolmetscht/ nit in jm sein ewig/ als in
ainer schaid ain messer/ sonder in kürz in verlassen/ das er
wider in die äschen fallen/ vnnnd das flaisch wider zu erden
werdē muß/ sein gaist aber zū dē/ der in geben hat/ Eccl̃s 1. 2.
Darumb spricht Gott/ Mein gayst (will sagen/ ob er wol
im menschen ist) würde doch nit ewig im menschen bleiben/
vnnnd als in ainer schaid stecken/ darumb daß er flaisch ist/
vnd in kürz sterben/ vnd von meinem gaist verlassen wer-
den muß/ Seiner tag solln sein 120 jar/ darnach wil ich mein
hand/ athen oder gayst auß jm ziehen als ain messer auß
der schaid/ ain liecht auß der latern/ vñ er soll nit mer lebē/
noch mein gaist ewig besitzen/ Vrsach/ Er ist flaisch/ staub
vnd äsch/ vnd soll wider zu staub vñ äschen werden/ Gen. 3.
Als wolt er sagen/ Es ist vñ sunst/ was ich durch mein gaist

in jñ predigen / sagen vñ straffen laß. Sy seind gar zu flaisch-
lich worden / verachten vñnd lesteren meins gaysts wort
(verstehe weyl sy flaisch / mein wort aber gayst vñnd leben ist)
Darumb soll er aufhören / vñnd nit ymerzu ewig in jñ pre-
digen / tpylen / nagen / zanken vñnd straffen / Dann mein
gayst kan kains rechten mer in menschen bekommen / darumb
soll er in auch bald verlassen / vñnd nit ewig in jñ bleiben /
Doch will ich jñ noch frist geben / vñnd gleich sam zugeben
120 jar / ob sy sich darin wolten besinnen / bessern / vñnd von
irem gotlosen wesen abstecken / Wa nicht / so will ich sy faren
lassen / mein gayst / leben vñnd achem jñ nemen / vñnd nit ym-
merdar oder ewig in jñ zanken vñnd straffen. Gen. 6. Also
legte disen Teyt Joseph Kimbi bey Amstero auß / Mein
hymlicher gayst / den ich in den menschen hab blasen / wurde
nit allweg in disem hader vñnd zankt ligen / weyl der mensch
flaisch ist / vñnd mein gayst kan gefallen an seinem willen
vñnd armüt hat / Derhalb will ich jñ sein leben verlengern
bis in 120 jar / ober villicht dazwischen büßhet / Wa nit /
so will ich mein gayst von jñ nemen / vñnd jñ vom erdtrich
vertilgen. Die andern legen disen Teyt also auß / Mein
gayst / den ich in des menschen leib hab geben / wurde nit
ymmerzu in menschen sitzen / wie ain richter / sonnder so er
sich nit bessert / nach 120 jahren außfaren / zurichten außhö-
ren / vñnd er durch die sündflut verderben / Nit das mein
gayst werde nimmer in menschen bleiben / sonder nit ym-
merzu oder ewig in jñ richter sein / wie geschēhē wer / so das
menschlich geschlecht aufrecht an Gott wer bliben / das er
nimmer gestorben / vñnd vom gayst ewig nit verlassen wor-
den wer / Nun er aber an Gott brüchig ist worden / soll der
tod der sünd sold sein / vñ sein tag nit über 120 jar reichen /
denn soll jñ mein gayst verlassen.

Weyter haben die gotlosen nichts Götlichen in jñ / was
ist dann die sünd in H. gayst / in welchen alle gotlosen zum
tod sünden / Was ist das Sy tag vñnd nacht vmb die sünd

Ky pplet in frem hertzen / sinn vnd gewissen / vnnnd wollen sy
sünden / so müssen sy disem zug wider strebū / mit füßen über
diselcer hingen / vnd Chrustum zūnor in jñ selbs creüzigen.
Dann kein sünd ist / dann das wider Gott / vnd sein Gesetz
ist / so muß yeder da sündt wider Gore vnd sein gesetz thun /
weyl Paulus spricht / Wa kein gesetz sey / da sey kein sünd /
vnd tod / vñ Chrustus / Was ainem nit geben sey / das werde
Gott nit von im fordern / So muß rezūnor Gott vnd sein ge
satz dem menschen antragen / eröffnet / ja im menschen sein /
soll er dar wider vngheorsam streyten / vnd zūm tod sündi
gen / sonst ist es nit möglich / das der mensch sündige / der
weder Gott / noch sein gayst vnd gesetz hat vnd waist / Sy
möchten auch mit rechte nit gerichte vnd geurteilt werden
als vngheorsam / die kein wort / gesetz / vnnnd gebot haben /
Irem als Gottes feind / die wider Got sündigen vnd thun /
die nicht von Gott wissen oder haben.

Aber es ligt schon alles im acker des hertzens aller mens
chen / yederman ist mit disem gücten sömlin beset / er sehe
nit / das er des feinds somen / das vnkraut über den wai
zen nit laß außkōmen vnd fürwachsen. Das wort in vnns
dauon Chrustus Joan. 12. rede vnd zeügt / ja das er selbs
ist / Joan. 8. wird vnns all vitailen an jhenem tag / Da ist
kein entschuldigung der vnwissenheit / Chrustus / das Euan
gelium vnd new Testament / Gottes lebendiger will / wort
vnd gesetz ist in aller menschlichen hertz geschrieben. Die figure
vnd ceremoni des alten Testaments / weyl sy außser vns
waren / vnd antragen werden müssen / wie ain Edict ains
Kaysers / durch stym des volcks erwölt / hetten wol ain ent
schuldigung in Mose / der vnwissenheit / denen sy noch nit
verkündiget waren. Das New testament aber Chrustus in
aller menschen hertz / wie es Gott von anfang gefiel / vnd
im Abel lebet / vnnnd in allen gelassen Erzväter / die dis
wort in jñ lasen / den tag des Herrn gesehen mit Abraham
haben / vnnnd all von dem gaystlichen felsen / Christo gees

sen / 1. Cor. 10. Joan. 8. anderhalb im neuen Testament
kain vnwissenheit entschuldigen wie vor Christo / als Chris-
tus selbs sagt / Wer ich nit kômen / so hetten sy kain sünd /
das ist das gesatz durch Moſen antragen / were noch recht
vnd eüſſerlich in krafft / Nun sy aber mich nit hören wölln /
der ich eben das zaig vnnnd predig / das ich vor allweg in jñ
vnd allen gelasnen geprediget hab / ja selbs in Noe / Abel /
Enoch vnd allen frommen gewesen bin / nemlich das wort /
so ich yetz mit fleisch hab geklaide vnd eüch sichtbar für die
augen hab gestellt / das jr sehen / greiffen vnd tappen was
dieſach iſt / wie ich durch mein gaist von anfang ewren alte-
väter allweg hab geprediget.

Nun die on eüſſerlich gesatz (als Sodoma / Gomorra vnd
alle Naiden vordem überliuerten gesatz) habñ gesündiget /
werden on gesatz darumb geurteilt / das sy eben das selbig
gesatz (ob ſys gleich eüſſerlich wie die Juden nit hetten) in
jñ geſchriben fanden mit dem finger Gottes. Wenig aber
laſen (wie auch eüſſerlich Chriſtum wenig höreren vnd an-
namen) welches dan jr verdammus iſt / jr aigen gedanken
verklagen oder entschuldigen sy / weyl sy ja befinden das ge-
satz in jr hertz sein geſchriben / auß welchs anweyſung vnnnd
ler nachher alle eüſſerliche gesatz vnd gerechtigkeit kôm-
vnd alle rechte vitail gefelle werden vnd entspringen. Dar-
umb ſihet Gott nit auf das eüſſerlich / das allain ain zeüg-
nus iſt deſ inneren waren gesatz / worts ic. Die on gesatz
ſünden / müſſen auch on gesatz gericht werden vnd verder-
ben / So er doch anderswa sagt / Wa kain gesatz ſey / da ſey
kain übertrertung / So müſſes ye also verſtanden werden /
Wa kain eüſſerlich gesatz iſt / da wird der menſch dannoche
gericht / verſteet durchs innerlich. Die aber wider das gesatz
ſündigen / es ſey eüſſerlich oder innerlich / die werden eben
also wie sy darwider geſünde haben / eüſſerlich oder innerlich
dardurch gericht werden / vnd doppel / so sy eüſſerlich vnnnd
innerlich überwiſen / darwider handeln / ala Capernaum /

Tyrus u. **Marlich** **Sodoma** vnd **Gomorra** wirdes treglicher ergeen an ihem tag (als die nun innerlich irer mißthat von dem eingeschribnen wort vnd gsatz überzeuget waren) weyl sy bede / wider das eüsser vnd inner wort / doppel ires vnrechten überweisen / sündigeten / **Matth. 10.**

Die gedenck jm ain yeder selbs nach / wieder mensch von natur des gesetzs innhalte billichen miß / wie ain yeder jm selbs ain gesatz sey / wa das gewissen / die entschuldigenden oder beschuldigenden gedanken sey / **Röm. 2.**

Nun / was ist dann das eüsserlich gsatz in stainen tafeln geben / vnd an die wend geschriben / sonderlich die eüsserlich predig vnd wort Christi / der Apostel / vnnnd aller gesandten diener des gaists? Ain zeugnus vnd anweisung des / so vor in vns ist / ja ain lebendigmachung / einweisung / erregung vnd anzaigung des so Gott zimor in aller menschen hertz hat geschriben / nyemande aber lesen will / Da will Gott durch Christum vnnnd die Diener des Neuren Testaments gleich mit ainem finger drauf deüren / vnd diß vns zaigen / das wir vnwissend / oder ye on brauch haben / das wirs anlegen / vnd für die hannd nemen / Als wenn man ainem ain schatz in seinem hauß zaigt / den er lang zeyt vnwissend on brauch hat gehabt / vnnnd so er in gezaigt / vnder die hannd nympt / Denn spricht man / Diesen tag hab er durch diß zaigung ain Schatz funden vñ überkommen / so er in doch vil jar vor in seinem hauß / doch on nutz / brauch vnd wissen gebabe hat. Also kompt Christus / das Euangelion / wort Gottes ic. auß der predig oder gehör / das ist / es wirdt durch den dienst des gaists erregt / zaigt vñ lebendig gemacht / vñ also gleich geben vnd bracht / daß gleich wol vor in vns war / vnd wir vnwissend heten / aber on nutz / wissen vnd brauch / Darum wirdt gesagt / durch die anfang vnd gehör der predig / sey es erst kommen / wie ainem ain freidigkeit vnd hertz durch ain erumen / feldgeschrey vñ lermanschlag kompt / das ist / rege vnderöffnet sich / dardurch aufgeweckt / Der krieg ist vnnnd

muß vor in vns sein / vnd kumpt nie erst durch die Baucken
hinein. Also eben ist Gottes gesatz / will / Christus vnnd als
les verdeckt vnd eingewickelt vor in vns allen / vnd kumpt
nie erst durch die eüssellich stim hinein / wirt aber dardurch
erregt / eröffnet vnnd aufdeckt. Die sich nun Christum nie
haben wollen einweisen lassen / zu dem das vor in jñ war /
noch in sich selbs geen / zu dem zeügnuß ihres hertzens / die ha
ben in auch nie angenommen / vnd vergeben gehört / Deren
herz aber zuuor Christum in jñ haben hören predigen / das
geheimnuß der warhait / vnd des lambs stym / so auch im
Abel / Noah ic. hat prediget / von anfang hörten / wie Cor
nelius / die haben Christum begirlich angenommen / vnnd sñ
dese bald lassen zaigen vnd empfunden / dese sy vor im ge
heimnuß in jñ hetten.

Darumb dan das Euangelium ain geheimnuß von an
beginn der welt verborgen / vnd in der vätter vnd aller ge
lassnen menschen hertz eingewickelt vñ empfunden genent
wirdt / Rom. 16. Ephes. 1. 2. Das aber das wort dese glau
bens (welchs anders nicht ist / dann das Euangelium / new
Testament / vnd Christus selbs) in vns sey / ja in aller mens
chen mund vnd hertz / Wirdt Rom. 10. auß Deut. 30. von
Paulo klärlich angezaigt / Darumb dann vom Prophe
ten Hier. 31. Esay. 54. so deülich ist vorgesagt / daß das
new Testament kainer den andern künde oder dörfß leren /
sonder sy müßens all inwendig in jñ vom vatter hören vnd
lernen / vnd von Gott gelert werden / Joan. 6. vnd wie sy die
salbung lere / Also sey es allain rechte. 1. Joan. 2. Das eüsser
lich wort Christi vnd aller Apostel / ist nichts dann ain zeüge
nuß vnd aufdeckung / dese / des sy vor inwendig von Gott /
seinem gayst vnnd wort seind gelert / Darumb er dann nie
hat wollen leyden oder haben / das sy sich Rabi / Maister /
oder Lerer dese glaubens oder dese worts nennen / sonder
allain gesagt / das allain ain Lerer / Maister vnd Vatter
im hymel sey / Matth. 23. Sy werden allain seine Zeügen

diener des
gaists / des
worts / seli
gen / vñ nie
lerer.

sein/ Joan. 15. 16. Act. 1. Wie auch Christus selbs nach dem flaisch war/vñ erst von iren augen genomen/verklärt vnd ins hymlich wesen überhebt werden müßte/vnd seinen gaist in senden/der sy alles lere vnd erinnert/das Christus als ain zeug der warhait/in zñuor im flaisch hett bezeugt. Das aber die Histori von Christo (die auch nie Christus ist) nit in allen menschen ist/vnd als ain eüsserlich ding eüsserlich müß gelere vñ antragen werden/So ist doch die krafft Christi/das er gelert/gelebt/vñ in dem grossen Sacrament seins flaischs außdruct hat/nemlich/das wort vnd gayst Gottes in allen menschen/welcher Christus im Abel/Job/Noah ic. hat gemittelt/Dardurch sy in Got seind komen/vñ aufgestigen/bisß das opffer im flaisch volendt ist wordn. Nun wollen wir darvon nicht mer hören/dann eyttel zeügnuß der Schrifft/vnd alten Lerer.

Erstlich stimt hiemit David/psal. 104. So du in gibst/so samlen sy/So du dein häd auffhebst/so wirt alle ding vol/Verbirgst du aber dein angesicht/so wirt alles betrübt/Nimst du iren gaist/den du in ein hast geblasen hinweg/so falln sy wider in jr nicht/vñ werden wider in die erd/voder sy genomen seind/resoluiert. Laßt du dein gaist wider außgeen/so wirt alles erschaffen/vñ das angesicht der erd vernewet. Darum wirt Gott bey den Griechen Teurospastes genennt/das ain Künstler vnd abentheurer laute/der ain werck anricht/wie ain Vmacher ain Vr/das sein kunst darin geet/oder wie ains gaucklers hand in der puppen alles ist/das sy thut/so er sein hand darauß zeucht/seellos vnd da ligt/Also ist Gottes hand in allen dingen/auch im wenigsten gras/schnacken/baumblüß (doch vnbeschlossen/als den hymel vnd erd nit fassen vnd begreyffen mag) das es sich regt/wege/wechset/herfürscheübt/plüet/fruchte pringt/vnd so er sein hand darauß zeucht/so felle alle ding wider ab/in sein nicht/verdirbt/vnd stirbt. Darüb ist Got der recht hailig/lebendig Gauckler/der auch in all andern

gaucklern/gaucklet/vmbfaret/weset vnd wircket/all das
Eain creatur icht on in vermög/Heytmal durch in/auf in
vnd in im alle ding seind vnd besseen/Rom. 11. Er ist der/
der alles in allen ist/Ephes. 1. Vnd erfülle beide hymel vnd
erd/Hier. 23. Ain Gott der da nahend vnd farr ist. Der al-
les in allen wircket/1. Cor. 12.

Hier her gehört der ganz 139 Psalm durchaus/Wa soll
ich hin geen vor deinem gaist/oder fliehen vor deinem anges-
icht/Fareich gen hymel/so bist du da/steyg ich in die hell/
so bist du auch da/Mein flügel der morgenrôt/vn flüge
aus ausserst des mids. so ergreiff mich doch daselbst dein
gerechte/Sprech ich/finsternuß werden mich bedecken/sihe
so ist die nacht auch licht vmb dich. Darumb spricht Job
das auch die hell ploß vor Gott sey/vnd das verderben Eain
deckhab/Job 26.

Der gayst des Herren erfüllt den gangen erdpoden vn
alles was darinn ist/Sap. 1.

Dein ewiger gayst O Herr ist in allen dingen/darumb
straffest du die ain wenig abtrecen (verstee innwendig im
gewissen/da der gaist Gottes die welt straffe/nit allain vn
ir sünd/sonder auch vmb ir gericht vnnd gerechtigkeit/
Joan. 16.) vnd irr geen/vnd warneß sy vor dem/damit sy
sünden/Du sprichst in zu/vnd vermanest sy/das sy die boß-
baite verlassen/vnd in dich vertruwen/Sap. 12.

Es ist ain gaist in den menschen/vnd das einblasen des
Allmechtigen gibet verstand/Job. 32.

Wir schreiben eüch nit anders/dann das ir vor wiß vn
gelesen habet/2. Cor. 1.

Lösch den gayst nit auß/Püffen alles/vnnd das güt be-
halt/1. Theß. 5.

Ich will hören was der Herr in mir rede/Er wurde fryd
predigen in seinem volck/Psal. 85.

Das reich Gottes ist innwendig in Eüch/vnd kompt nie
von aussen hinein/Luc. 17. Zün Phariseern gesagt.

Item Act. 17. zu den Abgöttischen Arbenern allen/
Dwar Er ist nit ferr von ainem yedelichen vnder vns/ Dan
in im schweben. leben vnd seind wir/ Als auch etlich Poeten
bey euch gesagt haben/ Vnd wir seind seiner art.

It seyt der Tempel Gottes/ vnnnd der H.gaist wonet in
euch/ 2. Cor. 6. 1. Cor. 6.

Betrübe nit den h.gaist damit ir verfigele seyt ic. Eph. 4.

Sünd haist/ so vil an vnns ist/ wider Gott wöllen vnd
thün/ Duma/ der gnad vnd h.gaist widerstreben/ Wie kan
nunder wider Got wöllen/ thün/ oder gedenccken/ der niche
von Gott vnd der gnad waist/ vnd hat. Paulus rüme sich
das Gottes gnad er hab aufgenommen/ vnd synit lâr an im
sey gelauffen/ 1. Cor. 15. Er manc vnns auch/ das wir die
in vns nit vergebens lassen klopffen/ fürgeen/ manen/ sü-
chen ic. 2. Cor. 6.

Ich hartneckigen vnd vnbeschnittes hertzens/ wie lang
widerstrebt jedem h.gaist/ wie auch ewer vätter/ Act. 7.

Ich will in jnen wonen/ vnd vnder jñ wandlen/ vnd bey
jñ sein/ vñ vnder jñ wonen biß ans end der welt/ Leuit. 26.
2. Cor. 6. Matth. 18. 28.

Ich wil mein gaist außgießen über alles flaisch ic. jobel. 2
Act. 2.

Weyl jr nun Gott kennt/ ja zuuor von im erkennt seyt.
Gal. 4.

Ich sag im nach/ ob ich in ergreiffen möcht/ wie ich von
oder in im ergriffen bin/ Phil. 3.

Wer hat in zuuorigeliebt/ oder wer hat im etwas zu vor
gebñ/ das er jms widergelt: 1. Joan. 4. Röm. 11. Job. 41.

On mich kündt jr nichts thün. Wer in mir bleibe wie ich
in im ic. So aber yemant in mir bleibe/ vñ mein wort in im/
was der bitt ic. Bleibe in mir wie ich in euch/ Joan. 15.

Das liechte leucht in der finsternuß/ vnnnd die finsternuß
haben es nie ergriffen (verstee wie das liecht sy erleuchte
vnd begriffen hat/ Joan. 1. welchs auch jr verdammuß ist.
Joan. 3.

b ij

Ain licht zu erleuchten die Heyden/ Luc. 1. Esay. 60.
Das leben ist gewesen ain licht der menschen/ das doch
erleucht ain yeden menschn/ so da komet in dise welt/ Joā. 1.

Es ist noch ain wenig lieches in eüch/ wandlen diu weyl
ir das licht habt (das ist hie in der zeyt der gnad) das eüch
die nacht nit ergreiff/ Joā. 8. 12.

Sihe/ das nit das licht so in dir ist/ ain finsternuß sey/
das ist/ das du nit des flaischs ampel vnd licht für Gottes
licht vnnd wort in dir anbettest/ Dann bedekünst/ licht
weyßhait vnd beümdes lebens vnd des wissens güts vnd
böß/ seind in ainem yeden menschen/ So gilt es wol vnder
schaidens/ das du nit des flaischs licht für des gaists an-
nemest/ Luc. 6. 16. Matth. 6.

Gott formiret den menschen nach seinem bild/ vnd bliess
im ein ain lebendigen athem/ vnnd er ward ain lebendige
seel. Gen. 2.

Das licht des Herren ist des menschen gemüt vnnd
gaist/ Pro. 20.

Dann so die Heyden/ die das gesatz nit haben/ vnd doch
von natur thünd des gesatz innhalt/ vnd jñ selbs ain ge-
satz seind/ Hiemit beweisen/ daß das gesatz sey geschriben in
ir hertz/ welchs ir gewissen sy bezeugt/ Röm. 2.

Gott ist die lieb/ vnnd der in der lieb beleibt/ der bleibt in
Got/ 1. Joā. 4.

Er treget alleding mit dem wort seiner krafft/ Hebr. 2.

Nyemant mag Ihesum ain Herrn nennen/ Dan durch
den H. gaist. Es seind mancherlay gaben/ es ist aber ain
Herr/ Got vñ gaist/ der da wirckt alles in allen. 1. Cor. 12.

Nemen auf das eingepflantz vnd lassen es in eüwer hertz
eingepflantz sein/ auf das ir selig werden/ Jac. 1.

Gots wort fahet nicht in eüch/ oder hat kein stat vnnd
bleiben in eüch ic. Joā 5.

Der mensch lebt nit allain im wort/ sonder von ainem ye-
den wort/ so da geet von dem mund Gottes/ Deut. 8.

Das ist der new Bund vñ testament/ Mein Esatz wird
ich in jr gemüt geben/ vnd es in jr hertz hinein schreiben ic.
Für an wirt nyemant mer sein brüder leren/ vnd sprechen/
Erkenn den Herren/ Dann sy werden mich all kennen. ic.
Hier. 31.

Sy müssen all von Got gelert werden/ Esai. 54. Joā. 6.

Wers vom vater hört vnd lert/ der ist/ der zu mir komt. Joan. 6

Mein Tabernackel soll in eüch sein/ vnd ich wird in eüch
ain Gott sein/ Esay. 37.

Welchñ nichts von jm verkünt ist/ die werdens wissen ic. Esay. 52
vnd die nichetvñ jm gehöret haben/ die werdens mercken ic.

Vil von Orient ic. werden kömen/ vnd mit Abraham ic. Math. 81

1. Cor. 14. will Paulus/ das man ainem sein hertz soll
trösten/ vnd eben das von aussen bezeugen vñ erregen/ das
er vor in jm hab/ das ain yeder von seinem aigen hertzen
überzeugt/ darzu Amen vnd ja muß sprechen.

Daher der h. gaist auch das vnderpfand vnd sigill diser
leredes gaists vñ vnser hertzens genent wirt/ 2. Cor. 1. 5.
Ephes. 1. Joan. 3. wie an seinem ort hernach volgt.

Ich will sy in die wüste führen/ vnd se frainlich zusprechñ Wke 2
in irem hertzen.

Also list man vil von den Gotlosen/ das sich der h. gaist
etwa in jñgeß behat/ als von Caipha/ Joā. 11. Von Saul/
1. Reg. 10. Von Balañ/ Nu. 24. 1. Re. 16. wirt der gaist
Gotes Saul wider genomen/ vñ Dauid damit angethon.

Hier chñ alle stell da Gottes gayst vnd wort ain liecht
nit in ainem liecht/ sonder in der finsternuß/ genent wirt/ Esay. 60. Luc. 1. vñnd an vil orten in Esaya/ das es yeden
gotlosen auch muß leuchten vnd aufgeen/ wie Joānes frey
beraufferuckte/ Er leucht in der finsternuß. Item er erleucht Joan. 1
ain yeden menschen ic.

Die weißheit für kompt die sy süchen/ das sy sich vor an
zaig/ das man nit vil süchen noch müe vmb sy darff haben/
ain yeder finde sy vor seiner thür sitzen.

Cyrrillus/
Tom. 1.
folio 24.
sagt / wie
der hailig
gaist auß
far vñ we
gen d sind.
Esay. 6.

Esap. 6.

1. Thes. 4.3 Mein gaist wirdt mitten in euch sein.
 psal. 4 Das liecht deins angesichts leucht über vns.
 Ephes. 4 Betrübte nit den hailigen gaist/damit jr verfigelt seyt ic.
 1. Thes. 4.3 Gott hat sein hailigen gaist in vns geben.
 Joan. 10. Nemen hin den hailigen gaist ic.
 Act. 2 Act. 1. 2. vnd durch die Acta durchauff steet/wie die haili-
 gen Apostel vnd all glaubige Chriſten / den hailigen gayst
 empfangen haben / Dazucht Petrus Johalem an/cap. 2.
 wie der gayst sey aufgossen über alles fleisch.
 philip. 2. Got ist der in euch wirket/bede das wolln vñ das thun.
 2. Cor. 1 Wir seind nit genugsam etwas zu gedencen auß vnns
 als auß vns/sonder all vnnsr gnüge ist in Gott.
 Collos. 1 Der vnns geschickt hat gemacht zur erbschafft der haili-
 gen ic.
 2. Thim. 1 Bewaren das gut so hinder euch ist gelegt durch den bai-
 ligen gaist/der in euch wonet.
 Act. 10 Es ist auch vnder die Haidn die gnad Gotes aufgossen.
 Rom. 8 So yemant den gayst Christi nit hat/der ist nit sein.
 1. Cor. 3. Wiſet jr nit/das jr der Tempel Gottes seyt/vnd der bai-
 lig gaist wonet in euch.
 Ephes. 2 Durch Chriſtum haben wir ain zügang alle/baide in ain-
 nem gaist zum vatter.
 Deut. 30 Zu dem ganzen Iſrael laſt Got sagen/ Das wort ist na-
 hend in deinem hertzen/vñ in deinem mund/das du es thue-
 est vñnd volbringest/wirde angezogen von wort zu wort/
 Rom. 10 Rom. 10 von Paulo. Es ist nit über mōr/ noch im hymel/
 das sich yemant mög enſchuldigen/sonder in vns/in vn-
 ſerem mund vnd hertzen.
 Rom. 1 Sy halten Gottes gerechtigkeit in der vngerechtigkeit
 auf. Siehe darüber Theophilactum/Auguſtinū Quinquas-
 gena ſecunda/psal. 57. versu 10. Item Hieronymū li. 15.
 super Esa. ca. 55. super illud/Quare apenditis argentū ic.
 2. Cor. 4 Gott/ der da haſt das liecht auß der finsternuß herfür-
 leuchten/der hat ain hellen ſchein in vnſer hertz geben/das

in vns entstand die erleuchtung von der erkenntnuß der
klarheit Gottes in dem angeßicht Jesu Christi.

Nun aber spiegelt sich in vnns allen des Herren klar- 2. Cor. 3
heit mit offnem aufgedecktem angeßicht/ vnd wir werden
verklärt in das selbig bild/ vñ ainer klarheit zu der andern/
als von dem Herren/ der da ain gaist ist

Gott hat die menschen mit seiner sterck angethon / vnd Gen. 17
sy nach seiner bildnuß gemacht ic. Er hat jnen geben ver-
nunfft/ rath/ weißheit/ zungen/ oren/ augen vnd ain hertz
zuerst/ vnd in summa/ sy mit kunst vnd verstand erfülle/
Hat auch jnen erschaffen vnd angepflant die kunst des
gaists/ vnd mit verstand hat er jr hertz erfülle/ Er hat sein
aug auß jr hertz gelegt / jnen sein grosse vnd herrliche that
anzuzeigen/ Darzu hat er jnen verstand geben vnd das ge-
sag des lebens zum erb ic.

Gospricht der Herr ic. Der den menschen athem gibt/ Esay. 42
vnd den gaist die auferden wonen.

Mein gaist der in dir ist/ wirt nit von dir weichen/ noch Esay. 59
von deinem somen in ewigkait.

Vñ welches vile wir all genomen haben gnad vñ gnad. Joan. 1

Sy werden zu jrem hertzen bekört werden.

Baruch 3

O Israel/ hö: wider zu deinem hertzen.

Esay. 40

Sihe/ ich will in euch seyn mein gesag/ vñ es wird in
euch frucht pingen/ ic. Die es aber in jñ verderben lassen/
vnd nit bewaren/ das in sy geseet ist/ die seind verdoiben ic.
Dañ so ain schiff vndergeet/ geet bede mit vnder das dar-
inn ist ic.

4. Esd. 9

Die verdammuß vnd der tod sprechen / Wir haben mit Job 23
vnsern oren der weißheit geschray gehört.

Die weißheit klage daussen/ vnd laße sich hören auf den
gassen/ Sy ruffe vñ der den thoren/ vñ allen halb im psalm. 1.
volck/ vnd jre wort in der Stadt/ Wielang wollen jr narrn
narrecht seyn ic.

Ich bezeug des komenden volcks gnad vñ fleiß/ welches 4. Es. 4

lungen vor freunden auffspringen/vnnd mich doch nit sehen
mit flaischlichen augen/sonnder glauben allain im gayst/
was ich jñ gesagt hab/Vnd sihe das volck vō Orient köm/
den will ich zum glayde geben Abraham/Isaac/Jacob/
Essee/Amos/Miche. Joel 1c. Daruor sagt er/ Sy haben nit
mich/sonder sich selbst verlassen.

Job 26 Die hell hat vor im kein deck/vnnd auch das verderben
bloß/1c.

psal. 139. Steyg ich gen hymel/so bist du da/far ich hinab in die grub
sobist du auch da/Schiff ich über meer/vnd nym gleich die
flügel der morgenröt/vñ fleüge biß in Aufgāg/so ergreiffe
mich alda dein gerecht 1c. wer kan sich vor dir verbergen?
Psal. 139. 18.

Math. 13 Das reich Gottes ist gleich ainem Schatz/der im acker
vnser hertzens verborgen ligt. Item ainem hefel/der in
dem melkassen vnser hertzens ist/ Ainem feinberlin/das
in weitten landen ligt/das ist/ in ainem flaischlichen/weit
von Gott abgewichen hertzen/Darzu/so weit man ist da/
uon außgeraisht/wider zuruck einköden/vnnd biß in grund
der seelen wider hinder sich geen muß auß der welt vnd allen
creaturen in die ledigen creaturlosen seel. Item/Das reich
der hymel ist gleich ainem senff kömlin 1c.

Joan. 12 Der mich veracht/vñ mein wort nit aufnymt/den wird
ich nit richten/Er hat schon der in richten wirt/Das wort
das ich geredt hab/wirdt in vitailen am jungsten tag.

Heb. 6 Das erdtrich das offt regen empfahet/1c.vnd aber noch
dann vnkraut treget/wirdt verflucht werden.

Math. 13 Nie gib ich zubedencken/was der güt dom sey in ain
Luce 8 bößfeld (das ist in ain schnöd hartfelsig weltlich hertz/vñ/
Joan. 16. der distel vnd dom an weg) geseet vnd gelegt. Item was der
reg/Esaie 55. Heb. 6. Gots wort/Joan. 12.

Math. 25 Item was das Pfund sey/nit allain dem fromen/sonder
auch dem bösen knecht geben vnd befolhen.

Der güt acker ist das hertz/das sich das inner einge

pflanze wort vnd gnad laße pflügen / vnd züm eüßerlichen
 wortberaitten / das es sahet / aufgeet / vnd frucht pünge /
 Der böß acter / das hertz / das sich Gottes lebendige wort
 vnd die gnad nie laße pflügen vnd züberaitten / sonder sich
 wöret / vnd sich nie stilligend arbaitten laße / darumb dann
 das eüßer darein geseet wort darnach nie aufgeet / noch
 frucht pünge. Darumb müß das hertz Gott vnd sein Göt-
 liche stim / liebe vnd gnad vor im grund der seelen haben ge-
 hört / ee es das ausser wort vnnnd zeügen Gottes annemen /
 Dañ welcher hertz Got nie zü vorberait hat / vñ die nie von
 Gott das wort gehört vñ geleret haben / werden sein eüßere
 zeügen / noch vil weniger hören vñ annemen / sonder für vñ
 für Christum helfen creüngen. Das eüßer wort ist vnd soll
 nur ain zeügknus sein des inneren / vnd die eüßerlich predig
 vnd Prediger Gottes nur ain zeügknus vnd zeügen sein des
 inneren worts / predig vnd prediger Gottes / Wer nun Got
 nie hört / noch hören will / wirdt vil weniger seine boten vñ
 zeügen hören. Darumb fast das eüßer wort nyemant / dañ
 wer vor vom wort gefast ist innwendig. Das ist das Chris-
 tus züm Pharisern sagt / Mein wort sahet nicht in euch /

Gottswort
 ausser vnd
 inner.

Joan. 8

Joan. 8

Es sollt das inner das eüßer fassen vnd empfangen / wie ain
 zündel ain feür. Die aber kein bleibend wort vor in jñ habñ
 müssen von natur ewig dem eüßern auch widersprechen.
 Davon liß Aug. super Joannem / Da vergleicht er Gottes
 wort ainem Angel / der eben dañ sahet / so er gefangen vnd
 angenommen wirdt.

Item hie gedencet / welche dem gaist der gnaden vñeer an-
 legen / wider auffallen / Hebr. 10. So doch Gott seiner gab
 vnd berüffung nie rewt / Rom. 11. Item was die sünd züm
 tod vnd in hailigen gayst sey / Wie die Gottlosen in jñ selbs
 Christu creüngen / seine gaist vñ wort widersprechñ / Act. 7.
 Vnd wa vnd wie der hailig gayst die welt vmb die sünd ic.
 straff / freilich nie allain eüßerlich / sonder auch innerlich im
 gewissen. Item was das feür vñnd wurm sey der nymmer

stirbt, das gewissen kyppele/naget vnd beisset hie vnd doir/
Esay. 66. Marci 9. Item Hebr. i 2. Sehent zu, das jr nie
verachten den der von hymel mit euch redet, Liff das halb
cap. biß zu ennd.

Zeügnuß der Vätter/

Das Got sein wort/gaist/bild ic. in allen menschen sey.

Cyryllus Dialogorum de Trini.

Lib. i. fol. 47.

Ain götlicher Character ist vns eingraben ic. vnnd wir
seind sein vâhig/ so wir darnach eyfern/vnd ain willig be-
gird darnach haben ic. Wir haben ain götlich gespür oder
bildtнуß in vnser er seel ic. Item ain volkommen vnd aufge-
truckengestaltt, des der vn beweglich vnd wesenlich ist/vñ
das sich zu gleich außgeüßet alles das mit jm ist/oder das
jm beysteet (qđ illi adest/spricht er) ic. Dann wir seind nach
seinem bild formiert/vñ nach seiner gleichnuß erschaffen ic.
Daselbst saget er auch, Das die natur auch nach dem fal der
sünd noch aufrecht sey/ Dann wir seind in der natur durch
den zûfal der sünd nicht verännere oder anderst worden/
sonder wir seind von natur vnd wesen wie vor/ob wol zû ar-
gem genaigt/vnd zû gutem schwächer/yedoch durch Chris-
stum wider ersetzt/vnd zû vnserm alen bild vnd schöne be-
rufft/ Darûb ist nie verborgen o Hermia/das diß götlichü
wesens natur vnd art ain gespür vnd character in vns er-
glast/ dardurch wir frölich nach dem gutten eyferen / von
wegen der gleichnuß so wir mit Got haben, vnd etwas mit
jm befreundt seind / vnnd weret noch / das wir nit etlicher
maßainer natur seind mit vnserem erschaffer ic.

Wie sihe/ wie nun gleichs gern bey gleichs ist/ also senet
sich vnser gaist in vns imer zû nach got/ gleichs zu gleichem.

Cyryllus libro/ Qđ spiritus sanctus sit Deus
et non creatura/ Tomo 2. fol. 144.

Dweyl der hailig gaist in vnns wonet/ wirde geglaube

Acadens
endert nit
die Sub-
stanz.

das Gott in vns wone/vnd nit ain creatur/Dahes ist vn-
möglich/das Got/der über alle creatur ist/durch ain crea-
tur in vnser hertz oder hauß solc komen/Also/dweyl Got na-
türlich in vns wonet/so seind wir nit ainer creatur/sonder
gotes tailhafftig/Also/so ain creatur in vns wonet/seind
wir nit der gohait/sonder der creatur tailhafftig/dauon
ist der gayst Gottes/seytenthal er in vns ist/vñ durch in der
war lebendig Got. Daselbst volgt auch/Wie Got alles in
allem sey vnd wirck. Item wie Got der vatter alles in allem
sey/durch den sun/Liße Trinitate Cyrillum/li. 3. Item
wieder vnpartheiisch Got aller menschen Got sey/vnd soig
trag/Liße Cyrillum contra Julianum/lib. 3. Item lib. 2.
contra Julianum.

Hierher gebürt der baum des wissens güts vnd böß/den
der Herr Adam auch nach dem fal verbotten hat/vñ kurz
umb will das der mensch nit wiß/sonder ploß vñ kindisch
vnder im stee namloß/wissenloß vnd künstloß/ain kind vnd
narr/Das Got allain in jm wiß vnd alles sey. Lege eodem
loco per 4. folia Cyrillum.

Cyrillus contra Julianum/lib. 3. folio 22. Item folio 25. D.

Wir sagen das die Göttlich erkenntnuß fürnemlich in
die natur des menschen gestiftet/gegossen vnd eingepflantz
sey/vñ das der erschöpffer aller ding dem menschlichen ein
hab gesenckt oder eindücket die rechte kunst alles güten/vñ
alles das zu wissen von nöten zur seligkeit ist. Dauon leret
vns Moses am aller besten. der das eingepflantz gesand der
natur aufwecket. Item kaum zway pläcchen davor/ant-
wort er Juliano (der den Christen entgegen warff/wie je
Gott der rechte Gott könne sein/weyl er den sein des wissens
güts vñ böß in verbott hab gelegt/on welches doch der
mensch wie ain vihe sey) also/Das gemüt des menschen ist
der gestalle gemacht/vnd von Gott züberait/das es Gott
mag sehen vnd erkennen/auch alles was Göttlich ist (doch

Das ge-
müß kan
nicht se-
hen daß
Gott.

nach der maß/ Dañ wir sehen alles durch ain spiegel/ in ai-
ner räter schaffte/ wie geschriben stet/ 1. Cor. 13.) Diß alles
ist der natur verlihen/ das es zugleich alle wunder Gottes
mag begreyffen / vnnd dauon ain rechte / ob wol schlechte
kunst haben alles güten / dahin es für vnd für sehe on ab-
wendung / als die diß allain sihet vnd sehen mag / vnd von
natur selbwillig dahin genaigt ist 1c. weyls Gott also hat
gehaissen/ welchs befehl aller ding natur nachuolgt/ der
in allen vnnd allenthalb/ wa es im gefelle/ durch haimlich
verborgner weys/ schaffe vnnd erraicht/ Dann das er will
vnd beschlossen hat/ das ist eben aller ding vnd creatur/ na-
tur vnd eigenschafft.

Aug. lib. ad Dardanum/ de presentia Dei/

cap. 12. et 13.

Der natürlich mensch vernympt nicht die ding/ die da
seind des gaists Gottes/ Welche er auch anderswa kinder
neht/ nit am alter der jar/ sonder am verstand vnd gemüt/
Also vernamen sy in irer erkännuß nit den hailigen gayst
der in jnen wonet/ vnd wiewol der hailig gayst in jn wonet/
so waren sy doch noch flaischlich vnd nit gaystlich/ Dann sy
mochten jren innwoner den hailigen gayst mit erkänne-
nuß noch nit erraichen/ yedoch wirt gesagt/ das er in disen
wone/ darumb das er haimlich in jnen wircket/ das sy sein
tempel seyen 1c. Nun seind vnnder denen/ in den er wone/
1. Cor. 3 vil sollich/ zñ den der Apostel redt / Ich hab mit euch nit rei-
den mögen als mit den gaystlichen/ sonder als den flaisch-
lichen/ wie den kindern in Chrißto hab ich euch milch geben
nit starcke speys/ daß jr mochtet noch nit verderwen/ vnd
auch noch nit/ Eben zñ denselben sagt er bald hernach/
Wiße jr nit/ das jr der Tempel Gottes seye/ vnd der gayst
Gottes wonet in euch?

Teütsch Theology/ Cap. 1.

Das vollkomen ist ain wesen/ das in jm vn̄ in seinem we-
sen alles begriffen vnd beschaffen hat/ vnd on das vnd auß

ser dem Eain wares wesen ist / vnd in dem alle ding jr wesen
 haben / dann es ist aller ding wesen / vnd in jm selber vntwan
 delbar vnd vnbeweglich / vnd bewegt vnd verwandelt doch
 alle ding / Das getailt / vnuoltomen stuck werck aber / so
 man creatur nent / ist das auß disem vltomen sein vrsprung
 hat / vnd wirdt recht als ain glast auß der sonnen genent /
 das diß vnd das scheine sein / vnd ist doch nicht an jm selbs /
 dann so vil es in dem vltomen ist vnd wesen / also / das sein
 wesen Gott ist / wie des scheins die sonn oder das liecht / Als
 so ist außser Got nicht / was nun auß jm fließt / hat sein we
 sen in jm / vnnd an jm selbs Eain wares wesen / weyl es ain
 außflusß ist. Darumb spricht Paulus / Heb. i. Das alle
 ding in dem wort seiner krafft getragen werden.

Gott aller
 dig liecht/
 leben vnd
 wesen.

Alle crea
 tur inn
 Got jren
 vrsprung.

Auß dem 3 4. Cap.

Got ist aller wesenden wesen / vnd aller lebendigen lebñ /
 vnd aller weisen weißhait / Dann alle ding haben jr wesen /
 jr vermögen / ja jr leben vnd was des ist / warlicher in Got /
 dann in jnen selber / Gott were ann ders nit alles güt / vnd
 darumb ist es alles zumal güt / vnd derhalb Gott lieb / vnd
 er wills haben / vn ist an jrem wesen nit wider jn / sonder al
 lain an jrem angenommen aigen willen / den Gott nit er
 schaffen hat.

Alle crea
 tur güt vn
 gottes vol.

Taulerus / Dñica 1 5. post Trinit.

die annder Predig.

Suche vor allen dingen das reich Gottes vnd sein ware
 gerechtigkeit / das das selb warlich in euch gefunden vnd
 entdeckt werde / das verborgen ligt in dem innwendigen
 grund der seelen / das dasselb in euch nit verderb noch vn
 fruchtbar bleib.

Das reich
 Gottes in
 vns.

Taulerus / dñica 1 3. post Trini.

die ander predig.

Das gemüt des menschen ist so gar edel / das die krefft
 der seel all jr vermögen dauon nemen. Die maißer sprechen /
 das es allweg wirck / der mensch schlaff oder wach / wann es

Gemüte
 des men
 sch: was:

hat ain vnzellig ewig sehen in Got/ auß dem es gestoffen ist.
 Aber die maister sprechen/ Es lieb/ schaw vnd brauch Gotes
 allweg on vnderlassic. Proculus ain haidnischer Maister/
 haiste das ain schlaffstüble vnd götlichs rasten/ vnd sprücht/
 Es ist ain verborgens süchen des ainigen ain/ das da fere
 oben schwebt in der vernunfft vnd verstantnuß / Vnd weñ
 sich die seel lauterlich darein ldt/ so wirdesy zumal götlich/
 weyl der mensch mit außwendigen sünlichen dingen vmb-
 geet/ so mag er diß nit glauben/ wissen/ noch erfahren/ so es
 derhalb ist in der warhait. Dann diß edel gemüt ist also ge-
 pflantz vnnd geadelt/ das es hat ain ewig raitzen vnnd
 ziehn nach im in vnd zu Got in seinen vrsprung/ Dieselbig
 selig naigung erlische nimer in der hell Vnd diß ist die gröst
 bitterst pein der seel/ das jr jr eigen außfluß soll ewiglich
 vnderzogen sein/ auß dem es lauterlich vnd warlich gestof-
 fen istic. Volgt weiter / wie sich der mensch in diß Götelich
 liecht einkörien vñ richten soll. Vnd ist diß ain gemaine weiß
 Tauleridurch auß/ das er den menschn in sich selber weist/
 das sy einkörien in den innersten grund irer seelen/ da werde
 sy allen beschaid finden/ da lige alles verborgens vñ eingra-
 ben in dem acker des hertzens/ was Gott/ Christus/ sein
 reich/ vnd alles was zu wissen von nöten sey.

Auß der dritten ler der letzten predig
 des ersten tails Tauleri.

Der mensch soll auffziehen sein gemüt/ vñ soll lernen sich
 erschwingen über die zeyt in die ewigen weiß vnnd wesen/
 Dann der mensch mag sein gemüt erspieglen / das er sehen
 mag/ das Gott ist ain lauter wesen/ aller wesen ain wesen/
 doch ist er aller ding hains/ Alles das da ist/ alles das wesen
 ist vñ wesen hat/ vnd güt ist/ da ist Gotinnen. S. Augustin
 spricht/ Sibest du ain güten menschen/ engel/ hymel/ erb/ ab
 menschen/ engel/ hymel ic. vñ was da bleibt/ das wesen/ das
 ist Gott / Dann er ist alles in allen dingen/ vnnd doch fere
 über alle ding. All creatur haben wol lieb/ seind aber nie die

das wesen
 aller ding
 Gott vnd
 güt.
 Got aller
 wesen we-
 sen / auch
 des Tew-
 fels.

lieb/sonder Gott allain ist das wesen der lieb/güte. vnd alles das das man nennen mag ic. Wann er ist verborgen in allen dingen/als Esayas sagt/Er ist allen dingen vil tieber dann kain ding im selber/ in dem grund der seelen verborgen/ allen sinnen vnbe kannt in dem grund ic. Bald hernach allegiert er den Propheten Isam / Ich will sy führen in die wüste/ Da will ich inen zusprechen in iren hertzen. Darcin führt er alle die dis einsprechen Gottes fähig seind worden.

Sermone/in die Natiuitatis/secunde partis/
Taulerns.

Zum vierdten sollen wir versteeen/das ewig wort/das da wurde gesprochen in die plossen seel von der plossen Gottheit/ on ainig bild vnd mittel (wie er an vil andern orten sagt/ Got wirck in die seel on ainich bild/mittel vnd gleichnus.)

Dis ist vnworlich/ dann die seel kan dis nit aussprechen. Ir sollen wissen/daß das ewig wort sich selbs gebürt in der seel/sich selbs selber vnd nit minder/sonder on vnderlaß/vñ wissen/ das die seel das ewig wort bas erkennt/ dann alle maister vnd lerer geworten künden/was man dauon sagen mög/ist ye wenig ic. Die sprechen die Lerer/ Das wir billich sollen eylen vnd einkörien in die schül/ darinn der hailig gayst leßmaister ist ic. Hierumb muß sich die seel (in deren die gepurt geschehen soll) gar lauter halten vnd adelich leben/ vnd gar ainig/ innig vnd einkörie sein/ nit auf lauffen in die fünff sinn vnd in die manigfaltigkeit der creatur vnd vile der künst ic. Nun hat die seel (ob sy will) den vater/sun/vñ den hailigen gayst/da fleußt sy in die ainigkeit/ da wurde ir geoffenbare ploß in ploß ic. Die raten die maister/das wir Gott seyen erlassen/vnd empfahen von im alle ding on mittel/vnd nit von creaturen. Also lassen wir Got sein eer vnd wirckung/wie er will/ vnd wann er will/ vnd seind wir sein ledig vñnd ploß ic. Die sollen wir doch Gott belffen sein eer behalten/ als fere als es an vns ist.

Gott spricht
er vil ge
bürt sein
wort inn
der seel.

Inn die
schül des
h. gaysts
einkörien.

**Taulerus im andern tail auf den ersten Sonntag
der fasten / die erst Predig.**

Welche
oren ha
ben in
hören.

Welcher mensch sich mer einwärts naigt zu dem einspre
chen Gottes / dann außwärts zu den Worten der menschen /
vnd den nit lust zu hören das Wort Gottes / allain vmb wis
sen / sonder vmb lieb willen ic. vnd mit glauben vnd lieb bey
dem innwonenden Wort bleibe / das seind die ihene / die oren
haben zu hören ic. Aber der mensch / der manigfaltig ist / vnd
mit der hailigen schrift für geet / in ainem wolgefälln sein
selbs vnd seiner kunst / vñ allzeit wil leren vnd nit lernen / all
die im dan volgen / die komen nimer zu der rechten warhait /
nocher selbs. Dñ sach / Er kört sein angezicht von dem ainfa
l
tigen liecht der warhait / das in im ist / vnd kört sich außser
im in die manigfaltigkeit der schrift ic. Dñuon kompt vil
streyt / vnd macht getailte hertzen / vnd ist ain grüneliche
hindernuß rechter lieb ic. Söllen wir nun steen bleiben / so
müssen wir vns selbs lernen kennen / vnd vnser selbs warne
men in ainer ainfaltigen einkör in vnnselbs / vnd in wem
dig bleiben in vnns / bey dem einsprechen Gottes / Da söllen
wir hören vnd lernen / rechte warhait vnd leben / Vnd denn
soll sich vnser leben übertragen mit schrift ic. Liß die Predig
wie er ainen innwendigen grund legt / darauf alles geet.
Schleüß nach vil Wortten / Ich möcht euch vil puncten sa
gen von guten steten vñ von guten übungen vñ hailigkeit
Aber habn jr disen grund / dauon ich yetz gesagt hab / so fin
den jr in euch / mit der hilff Gottes / alles das jr bedörfft ic.
Ich beger / das wir vnserer innwendigkeit warnemen /
auf das wir klärer vnd näher befinden / die reichait Gotes /
die in vnserem gaist lebt. Hierumb söllen wir vns einkören /
vnd lieben vnsern plossen vngestaltten verstand / grund vnd
warhait Gottes / vñ die söllen wir finden in vns gebildet ic.

Einkören
in sich selb
in Gott.

**Taulerus auf den vierden Sonntag
des Advents / im andern tail.**

Wissen lieben brüder / das kein augenplick so kurz ist /

Gott gebe ain sonderm einfluß in vns / wenn wir vns nur zu disem einsprechen hören / Dann er ist ain lauter fließend wesen / vnd vnser gayst ain lauter empfähligkeit. Gott ist ain lauter liecht / vnd die seel ain lauter schein vnd glast das uon / So sich nun der mensch hielt / wie das wasser zu dem vrsprung / Nun geet der arm mensch allzeyt auß / vnd wonet in dem feinen / darmit verleidet vnd betrügt er sich selbs ic. Ich will ain ding in dich bilden / Du solt dich in deiner inwendigkeit alzumal versencken / in das vatterlich hertz / vñ solt da nemen / das oberst ding ic.

Gottes
einfluß/
hört ny-
mer auß.

Am tag der Dreyainigkeit/
die ander predig.

Gottes bild ligt im aller innersten grund der seelen / darinn Gott ist wesenlich / wirklich vnd istencklich / ja in dem wirckt vnd wesen Gott ic. Vnd man mag Gott als wenig von dannen abschaiden als von jm selber ic. Vñ in disem grund / hat die seel alles das von gnaden / das Got von natur hat / so ferr als sich der mensch in den grund der seelen laßt vnd einkört / da wurde die gnad geboren. Proculus ain Haidnischer maister sagt / Als lang der mensch mit bilden (die vnder vnns seind) vmbgeet / so ist es nie gleüblig / das der mensch in disem grund ymmer leren mög / Es ist vns zu mal ain vnglaub / das es in vns sey / Wann wir mögen nie glauben das es sey / vil weniger in vns sey ic. Dis aber bezeüget auch vnser Herr / do er sprach / Das reich Gottes ist in euch / das ist / allain im grund inwendig ic. In disem grund gebirt der vatter sein aingebomen Sun / nach vnserem versteen / schneller dann in ainem augenblick ic. Der diß befinden will / der höre sich ein ic. von allem dem / das von aussen eingetragen wirdt. Nie ist das war zeügnuß / da der hailig gayst bezeüget vnserem gayst ic. Also finden wir dis war gezeügnuß in vns / Als man heüt lißt / In dem himel seind drey gezeügen (das ist in dem innwendigen hymel in vnns) der vatter / das wort / vnd der hailig gayst ic. Dise gezeügen

Bild got-
tes im me-
schen was

Zeügnuß
desß gaysts
in vns.

leuchten in deinem grund / vnd zaigen dir / das du ain kind Gottes bist / Sy bezeugen auch wider dich dein vnordnung / vnnnd leuchte dir in deinem chün oder lassen / du wöllest oder nit / Wilt du es annemen / es gibe dir zeügtnuß von allem deinem leben / Höre nur diser zeügtnuß zu. Aber nymst du diser innwendigen zeügtnuß in dir nit war / in all dein werken / wercken vnd leben / so wirts über dich zeügen am jüngsten tag. Darumb kinder / bleiben bey eich selber / vnnnd nemen diser gezeügtnuß in eich war / es wirdt eich lieb / Bist du außgangen / laufft wider haim / vñ kō: in dich selber in diesem grund / da findest du es / Aber in eüssern dingen vnd in aigner weiß vnd auffätzen finde man es nit. Folgt nit lanng darnach / Rōe dich in dein grund / vnd bleyb dabey / vnd nym war der väterlichen stim / die in dir rufft / die rufft dir in sich / vnd gibe dir söliche reichait / were es not / du gebest allen Priestern gnüg vnder schaid / so klar wirt der eingekommen mensch begabt vnd erleucht.

Taulerus im andern tail seiner predig.

Auf den h. Pfingsttag / *Spūs dñi repleuit orbē terrarū.*

Item die nachuolgend auf das fest Trinitatis /

Faciamus hominem ad imaginem ic.

Dise zwō predig dienen auch dahin / vnd vil andere / das Gott vnd sein bild in vnns allen wesentlich sey / wenig aber werdens gewar / von wegen das die ganz welt außkōt ist / vnd sich von aussen außser sich selbst sucht in vilerlay manig falsckait. In der letzten / erst angezognen predig / erzelt Taulerus / Das das bild Gotes in vns / nach dem wir nach Got erschaffen seind / fünff ding an im hab. Vnder andern / Das es außgegossen sey auß Gott. Zum vierdten / Das es Gott gleich von natur / vnd doch nit die götlich natur sey / yedoch ain substanz / die an ir selber bestet / ja es ist ain lauter liecht / außser Got geflossen. Da ist nit mer vnder schaid / dann das es Gott versteet. Zum fünfften / Es ist genaigt in vnd auß das von dem es kōmen ist.

Weiter/wie Gott von innen leet vnnfern gayst on alle
 bild/blich vnd mittel/allain durch sein lebendigen gaist vñ
 wort/zaigt Taulerus an vil orten an/sonnderlich auch in
 seiner histori vnd leben/dader man gotes zu Taulero sage/
 Es haben in eüsserlich wort vnd predig offte mer gehindert/
 dann gefürdert/Dann soll der maister der warhait in vns
 predigen/so muß der mensch bildlos aller ding mittel vñnd
 bild frey ledig vñnd los sein/Da wircke der maister mer in
 ainer stund/dan jr vnd alle lerer die von der zeyt an,bis an
 jungsten tag leren ic. Zulest diß Capitel/spricht der man
 zu Taulero/Ich sag euch für war/das der Buchstab/vnd
 die kunst manchen grossen Maister verlaitten. An ainem
 andern ort/sagt Taulerus/Gott wircke in der seel/on alle
 mittel,bild vnd gleichnuß. Alibi/Were da ainich bild en-
 zwischen/so were da nit ware ainigung. Anderstwa/Wa
 Gott sein gnad solt durch creaturen wircken/so wurde der
 mensch nymmermer selig/wann Gott mochte kain creatur
 machen/in der du volkomne seligkeit empfahe mochtest/
 Anders were Gott nit die höchst seligkeit/vñnd das leest
 end aller ding/das doch sein natur ist/vñnd will/das er sey
 ain ennd/anfang vñnd beschluß aller ding. Anderstwa/
 Gleich wie kain creatur die seligkeit sein mag/Also mag sy
 auch durch kain creatur geben oder empfangen werden/
 Gott muß dich on grund regen mit seinem ainseleigen we-
 sen/on mittel yrgends ains bilds.

Eüsserlich
 ding seind
 nit mittel
 der isern.

Got wte/
 et on mit
 tel inn der
 seel.

Annderstwa/Soll Gott sein wort sprechen in der seel/so
 muß sy in fryd vñnd rüh sein/vnd denn spricht er sein wort
 vnd sich selbs in der seele/vnd nicht ain bild.

Anderstwa/Gott wircke on mittel vñnd on bild/ye mer
 du vonn bilden bist/ye mer du seins einsprechens empfäh-
 licher bist. Sibe die Predig/Cum mediū silentium tenerent
 omnia/Cap. 18.

Teütsch Theology/Cap. 17.

Es soll nyemant gedencen/das er zu dem waren lieche
 d ij

Gottes
kunst stu-
diert mā
nitt auß
büchern/
predigh-
ten ꝛc.

vñnd waren erkantnuß kōm/oder zū Christus leben durch
vil fragen/oder von hören sagen/oder mit lesen vñd studie-
ren/nach mit grossen hohen künsten vñd maisterschaften/
oder mit hoher natürlicher vernunft/ Ich spich/ ja wol
mer/Alle die weyl der mensch von icht etwas behelt/oder
icht in seiner lieb/mainūg/begird oder gesüch handelt oder
vorhanden hat/das nit Gott selbs ist/es sey diß oder das/
der mensch selber/ oder was das sey/so kōmpt er hierzū nit.
Das hat Christus selbs gesprochen/sagende/Wilt du nach
mir kōmen/so verzeihedich dein selbs/vñ folge mir nach ꝛc.
Wer sich selbs nit ꝛc.der mag nit mein Junger sein ꝛc. Alle
die weyl der mensch mit den tailen vñd stücken vmbgeet/
kōn er zū dem volkōmen nit kōmen ꝛc.

Doctor Joannes Staubitz/von der lieb/
Cap. 3. 4. 5. 6. 7.

In disen Capiteln handelt er treffenlich/das man glau-
ben/Got lieben/förchten ꝛc. Von kainem menschen/schafft/
creatur/nach vñm selbs lernen/Auch das weder lieb noch
glaub in den menschen kōm/der hailig gaist sey dann vor
darinn. Im dritten Capitel spricht er/Alle ding/die nit an-
ders/dann an ainer empfindlichen experiens vñnd erfa-
rung erkēnt werden/mag ain mensch vom andern nit ler-
nen. Als niemant mag den andern leren sehen/hören/greif-
fen/riechē ꝛc. vil weniger lieben/glaubē/hoffen/ trawen/
freuē/betrüben. Daher auch die alten gesagt haben/Die
Theologie sey mer ain erfarnuß dann kunst. Im sechsten
capitel sagt er/Das die lieb/die Got selbs ist/allweg vñ vor
allen dingen in dem menschen sey/dann was sonst gūts im
menschen mag genennt werden. Die lieb richt all ding im
menschen an/sücht den menschen/wirckt vñ thut alles gūts
in jm/vñ helt sich mit ainer ergebnen seel/wie mit Maria/
die müß ee empfangen dann geben. Also wurde der mensch
durch eytel leyden vñd empfangen from/Dann soll er etwas
geben vñd gūc frucht tragen/so müß er es ye vornehmen von

Lieben vñ
glauben/
kōn kainet
den ander
ren lernen

oben herab/vnd muß der hailig geyst der vnter das kind an
 machen/ soll sy den neuen menschen auß Gott geboren vnd
 empfangen/geperen. Am 5yenden sagt er/ Wie die Apo
 stel den glauben nit von Christo/sonder vom hailigen geyst
 gelernt haben/ so muß er yevor dem glauben vñ lieb in dem
 menschen sein. Ob wol der büchstab Pauli/Gal. 3. darwi
 der klinge/ Vnd Christus erst den seinen den hailigen geyst
 geben/ Joā. 20. angesehen wirt. Item Act. 2. am Pfingst
 tag erst hernach empfangen/so ist doch diß alles von der of
 fenbarung gesagt/ Das nach dem glaubē der hailig geyst
 erst regt/dügt/außgeüßt/vnd in sein ampt tritt. Also muß
 Christus selbs auß dem aug inns herz/ auß dem flaisch inn
 geyst/Joan. 16. Gott muß sich vns selbs offenbaren vnd le
 ren/Joan. 6. Matth. 11. Darum ptingt er sich selbs in die
 seel/ Das liecht leucht in der finsternuß/ Da wirdt Gott ge
 sehen/ gespürt mit seinem süchen/klopfen/wecken ic. eedas
 wir/was recht sey/gewißt oder erkennen haben. Derhalb ist
 die erkāntnuß des glaubens/ain pur lauter gnad Gottes.
 Dann wir erkennen Gott nit dann in Gott/vnd sehen das
 liecht nit dan im liecht/wie Dauid sagt/psal. 35. 4. Phi. 3.
 Gal. 4. 1. Cor. 8. das wir zuletzt also ergreifen vnd erkens
 nen/wie wir zñuor von Gott erkennt vnd begriffen sind.

Offenba
 rung des
 geysts wir
 det für die
 gebüß inn
 der schrift
 amogen.

Teütsch Theology/Cap. 45.

Nun sind alle ding wesenlich in Got/vñ vil wesenlicher
 dan in jñ selber. Darumb sind auch all ding güc nach dem
 wesen/Vnd möchte ich es gesein / das nit wesenlich in Gott
 were/das were nit güc/wider Gott wöllen aber ist nit wes
 sen/Darumb ist es auch nit güc/vnd allain sünd.

Aug. Hermone 3. de Martyribus.

Gott sücht nicht vō dir außser dir/sonder laide dich in dich
 selbs/zū dir selbs hinein/in dein gewissen. In dich hat er ge
 legt/ja in dir ist es/das er erfordert. Darüß hast du nit von
 nöten zū deinen wunden vō ferren lānden arznei zu holen/
 so du wilt/kanst es alles in der kamer deines hertzens finden.

Alles in
 vns was
 Got for
 dert.

Bernhardus/in serm. 1. De aduentu.

Du darffst nit/o mensch/über mör schiffen/nach durch die wolckn tringen/nach über das gebirg lauffen/sonder lauff zu dir selbs/in dich selbs/deinem Got entgegen/Dann das wort ist nahend in deinem mund vnd hertzen.

Digenes/Homel. 13. Cap. 25.

Der gaistlich Tabernackel/begert ain gleich gaistlich gold/das in vns ist/Silber das in vns ist/vnd all ander materidie in vns ist/vn wir von vns her aufspringen. Derhalb dan die schrifft sagt/ Das wort ist nahend in deinem mund vnd in deinem hertzen/Dann so du bekennst mit dem mund den Herren Jesum/vnd glaubst in deinem hertzen/das in Gott vom tode erweckt hab/so wirst du selig. Dis nyhm auß dir selbs/Dis ist in dir/Dis magst du auch habn/so du bloß vnd nackend bist.

Aug. lib. 1. de doctri. Christ. cap. 39. 40.

Bücher
sind den
Geistli-
chen er-
leuchten
mit von
nöten.

Ain mensch/der mit glauben/lieb vnd hoffnung vnderstüzt ist/vnd vngeschiden behelt/darff keiner schrifft/dan andere zu bezeugen. Derhalb leben vil durch dise drey/auch in der wisse on alle bücher. Daber ich in sn erfülle sein acht/das gesagt ist/ 1. Cor. 13. Es sey gleich/das die prophecey vn predig aufhör/alle zungen vnd künst aufgelert werden/so felle doch die lieb nymer auß. Mit welchen drey notwöden so der mensch gewapnet ist/vn darin das volkomen begriffen hat/sücht er nit mer das getailte stuckwerck. Auß der vrsach So yemande erkenne die lieb von ainem hertzen/gütem gewissen/vnd vngeserbtem glauben sein ain end des gepots/soll er alle schrifften zu disen drey stucken halten vnd reymen/Dan erst mag er sicher die schrifft für die hand nemen/vnd damit vmbgeen.

Vor der
Schafft/
wirdt der
Gottgelei-
big vnn
got gelert
inwendig.

Gefay der
natur von
Gott in al-
ler hertzge-
schiden.

Augu. Quinquagena secunda/

Psal. 57. versu primo.

Seytmal die warhait in vnser hertz hat geschriben/mie der hand vnser formierers/Das du dir nit wilt geschehn/

das beweist auch andern nit. Dis hat auch vor dem gegeben
 gesatz/nyemāt nit gewist/das auch darauß geurteile
 wurden/die/denen kein gesatz geben ward. Daß aber nye
 mant ab Gott ain klag hett/ ainichs abgangs oder fels/
 ist/das vor in vnserem hertzen geschriben ward/auch in stat
 nin tassel gehawen/geben worden/das sy in jrñ hertzen nit
 lasen/Dann sy hettens vor in jnen geschriben/woltens aber
 nit lesen/Darumb ist es in für die augen gestellt/das sy in
 sich selbs in jr gewissen zusehñ/was vor darin were/gezwun
 gen wurden/vnd der mensch gleichsam von aussen überwis
 sen/so Gotes stim gleich in in schwig/das gewissen tausent
 zeug inwendig hinein getriben wurd/wie dieschrifft sagt/
 In den gedancken des Gotlosen/ist sein vrtail/straff vnd
 frag. Wa nun ain frag vñ nagen oder kypfen ist/da ist ain
 gesatz. Dweyl aber die mennschen die ding begeren/die auß
 ser in seind/vñ von in selbs her auß seind gangen/ja in selbs
 fremd/oder außser in selbs im ellend/Da ist in auch zu letst
 das geschriben gesatz geben worden/Nit das nit vor in jren
 hertzen geschriben were/sonder das du selbs von deinem hers
 zen flüchtig worden bist/Du wirst von dem der allenthalb
 ist/begriffen/vnd zu dir selbs hinein gefordert. Darüß was
 schreyt das geschriben gesatz anders zu denen/die das gesatz
 in jrem hertzen geschriben/verlassen haben/dann/Di ir über
 treter/köit wider ein/zü ewem hertzen/Esay. 40. Lieber/
 wer hat dich gelert/Das du nit wilt/das ain ander zü dei
 nem weyb gee? Wer hat dich gelert/das du nit wilt das dir
 gestolen werde? oder das dir nyemandt vnrecht thue/oder
 was man sonst gemain vnd sonders sagen mag? Vil vil ist/
 zü dem alle menschen mit lauter stim antworten/Sy wöllen
 diß nit haben noch leyden. Höi zü/Wilt du diß nit leyden?
 so meyde es auch dem nechsten zu thun/Du bist ye nit allain
 ain mensch/Lebstu nit in der gesellschaft des menschlichñ
 geschlechtes? Der mit dir gemacht ist/ist dein gesell (ja dein
 flaisch.) Vnd wir all seind gemacht züm bild Gotes/Es sey

Die natur
 lert alles.

dann/das sy mit irdischen lüsten zertreppet vnd vngestalt
 machn/das er formiert hat/ Was du nun nit wilt/das dir
 ain andier thue/das erlaß in auch/ Dañ du vitalest yediß
 böß vnd vnrecht sein/das du überhebe vnd nit leyden wilt/
 Vnd diß nót dich zu wissen vnd erkennen/das inwendig ge-
 sag/das in dein hertz geschriben ist/das du in dein hertz geen
 müßt ic. Ist stelen recht: Nayn. Ich frag/ Ist Ebiuch güt/
 vnd yederman schreyt/nayn. Ist todeschlag güt/vnd yeder
 man schreyt/es sey ain greüel. Ist des nachsten güt be-
 gen recht: Nayn ist aller stym. Oder so du es nit wilt beken-
 nen/Es kompt ainer/der begert deins weybs/acters ic. ge-
 felle es dir: Gib mir antwort wie du wilt/yederman schreyt
 ainhellig/diß sey nit güt.

Widerumb gefragt von der Lieb vnd gütthaten/nit al-
 lain das man niemant schaden/sonder auch güts beweisen
 soll/lieb vnd treu/ Da antwort yederman ainhellig/ja/es
 sey recht. Ain yede hungerige seel/so not leydt/ vnd ain an-
 dern sibet piot vnd überfluß haben/der dein not waiste/vnd
 nit hilfft/was gillt es/diß gefall dem hungerigen übel: Ey
 so laß ims der gnüg hat auch übel gefalln/so er ain andern
 hungerig in nöten sibet. Ain frembder Pilgram kompt in
 dein vatterland/vnd wirdet nit beherbergt/so schreyt er/Es
 sey ain vnmenschliche Stat/er wölce mer freüntschafft bey
 den Barbaren bekommen haben. Diß vngesell empfindt er/
 weyl er es leydt/ders aber nit leydt/gedenckt nit daran/so
 gar ist diß gesag verblichen im flaischlichen mensch. Es
 were aber vñ nöten/das du gedechtest/du werest der ellend/
 vñ dich an sein stat stelltest/vñ warnemest/wie es dir wurd
 gefallen/so ain annder dir nit thet/so du im ellend werest/
 wie du doch nit thüß dem der bey dir ellend. Ey so geenun
 in dein hertz/Dübertretter/köre ein in dein hertz/da ist das
 gesag geschriben/Das du wilt dir geschehen/das thü auch
 ainem andern. Dife mainung schreibet er eben auch/Epis-
 stola ad Hilarium/89.daer das natürlich gesag ain gesag

Das gesag
 wödet vñ
 verblichen
 im mēsch

der vernunft nennet/geschriben in vnser hertz. Desgleichen
in Joannem/Tractatu 4. Cap. 11.

Hieronymus super illud/
Luxit et defluxit terra/ Job 8.

Hören die Juden/die sich allain das gesatz von Gott emp-
fangen haben/rümen/ Das anfanglich alle Hayden
vnd die ganze welt das natürlich gesatz empfangen hat/
Vnd ist allain nachmals das Gesatz durch Moſen geben/
daß das erst gesatz in vns zunicht vñ außgerilgt ist worden/
Dauon der Apostel redt/ Die völkter die kein gesatz (verſtee
geschriben) hetten / thünd von natur deß gesatzs innhale.
Dise/obſy wol kein gesatz hetten/ ſeind sy in doch ſelbs ain
gesatz/weyl sy anzogen/das der inhalt deß gesatzs in jr hertz
ſey geschriben. Die nun diß gesatz halten / werden iren lon
darumb empfahen/Die aber es überſaren ic.

Das gesatz
Moſy/ iſt
geben von
wegen der
übertrittung
deß
geſatzs der
natur.

August. de Ciuitate Dei/lib. 10. Cap. 25.

Et lib. 18. Cap. 51.

An diſen bayden orten/probiert Auguſtinus/ Das Gott
ſein volck vnder allen völktern gehabt hab ye vnd ye/Auch
Iſraeliten vnder den Hayden/die zum Hauß Jacob vnnnd
hymliſchen Iheruſalem gehört haben/do ſich doch ließ anſe-
hen/als were allain Iſrael gotes volck. Item es ſeind auch
in vorigen zeyten/ee das gesatz gegeben ward/vil vnder al-
len Hayden in dem Sacrament vnd glauben Chriſti/ſo ſy
in jnen haben empfunden/ gerechtſertiget / ſelig worden/
Dan ſy waren nit on ain prediger/ Got ſelbs/ſpricht Augu-
ſtinus/oder on ſonder Engel/die in diß gehaimnuß/ſo vil in
not war/entdeckten/vnnnd den tag deß Herren von fernen
als durch ain nebel/ mit Abrahā ſehen lieſſen. Dann im
nächſten Capitel daruo:/Lib. 10. Cap. 24. von ainem an-
fang/der allain diemenschlich natur rainige vnd verneit.
Nun diſer anfang iſt Chriſtus/nach der Götlichen natur/
wie er das wort vnnnd Gott ſelbs iſt/Dann nit das flaiſch/
ſpricht daſelbſt Auguſtin.iſt der anfang/ſonder das wort/

durch welches alles gemacht ist. Volget weyter/ Darin̄ raini-
get nit das fleisch Christi durch sich selbs / sonnder durch
das wort/ von dem es angenommen ist/ Weil das wort fleisch
ist worden/ vnd in vns gewonet. Darumb redt er von ainer
verborgnen niessung seines fleischs im gayst/ das man sein
fleisch anders miß versteen/ ansehen vnd niessen/ dan̄ man
eüsserlich anj̄n fiber. Der anfang/ das wort/ das auch vil
Jaiden/ ja alle menschen erleucht vnd inwonet/ das in den
letzen zeiten fleisch an sich genomen hat/ rainiget bede/ die
Seel vnd das fleisch der gleübigen/ vnd hat auch vil aufal-
len volckern gerainiget allweg/ ee es mit fleisch ist beklayde
worden/ im Alten Testament. 1. Cor. 10. Joan. 8. Javor
dem gegebenen gesatz/ als den Abraham/ Abel/ Noe/ Jobiē.
den Augustinus lib. 18. cap. 51. de Ciuitate dei sonderlich
zum Exempel anzeücht/ Das allweg vor Christo vnd neben
dem Israelitischen volck seyen gewesen/ die zu hymlischen
Statt Gottes gehört haben/ rechte gaisliche stain auf den
felsen vñnd eckstain/ der hernach in̄s fleisch sollte komen/ er-
buen. Dis̄ wort vnd anfang mitlet in jnen/ zwischen Got
vnd jrer sünd/ vertrat sy/ erleuchtet sy/ rainiget sy/ rechte fer-
tiget sy/ vnd war jr Christus/ selbs/ König/ Pricster/ liebt/
leben/ warhait/ vnd weg. Obsy schon die histori von Christo
nit wisten/ wann oder wie die bezalung solle geschehen/ so
waren sy doch durch Christum den anfang vnd wort gottes
in j̄n versonet/ mit Gott ains vñnd zu fryden/ Das war j̄n
gnüg/ bis zu weyterer eröffnung/ kain̄ andern Christum
oder glauben finde man im Job vñ allen denen/ die vor der
menschwerdung des worts/ Got hab̄n gefallen/ Hebr. 11.
erzelt. Die histori von Christo vnd Christum im fleisch sehen
wissen vnd erkennen/ ist nit Christus/ sonder in jm gais̄t vñ
wort sehen/ niessen/ essen/ versteen/ aufrechnen/ wissen/ vnd
erken̄nen/ den Job bas̄ gesehen vñ in seinem herten empfun-
den (als vom wort gespeys̄t) hat/ dann all Pharisei/ schrifte-
gelerten/ darf schier sagen alle Apostel/ vor dem Pfingstag

da sieng in erst an Christus gaislich zu werden/die rechte er-
kennnuß einzuleuchten/Darumb sy dann der vorigen er-
kennnuß/ mit Paulo/nach dem flaisch/vilaub geben/vñ
in forter lautter im hymlischen wesen in Gott vnnd seinem
gais ter greiffen/anbetten vnd erkennen/ 2. Cor. 5.

Endo. Viues sagt über disen Text Augustini / Das die
in neuen Inseln im meer Oceano / die nach der natur vnd
einleuchten Gottes haben gelebt/ ja nach dem eingeschrib-
nen gesatz/vnd die zway grosse gebot der liebe/Gottes vnd
des nechsten gehalten/den sey jr gewissen/jr gesatz/ja frey-
lich der anfang das wort in jñ/ist jñ ir liebt/ leben vnd Chri-
stus gewesen / Weyl in disem ainem wort / so in aller mens-
chen hertz einpflantz ist/ Deut. 30. Röm. 2. 10. Matth. 7.
das gang Gesatz/Moses/Christus/vnd die Propheten ein-
gewickelt ligt/die disem zug vnnd lere genolgt haben/das
ist der rechte ainig glaub/der vnns alle in die Statt Got-
tes fñrt/vnnd der best eail Christi/nemlich/das wort vnnd
der anfang/der vns vermittelt/vertritt/versönt/erleucht/
rainiget/vernewet/vnd in Gott pñngt.Gott hat vnns nit
erst angefangen nach Christo zu lieben/sonder auch vor ge-
liebt/darumb sein Sun vns geschickt/vnns/die wir es nit
glaubten/vnd Gott für ain feind verdachten / zñuer sönen
vnd mit Gott ainszumachen / alleschidmair vnnd feinds-
schafft abzugraben/ Röm. 5. Joan. 3. Darñ ist Christus
ee der welt grund ward gelegt/vnd sein leyden schon vor im
gestanden vnnd volpracht das opffer für der welt sünd/ Ja
Christus gleich im Abel getödt.Der halben/welche Gott dis-
sem seinem bild enlich gesehen/vñ in Christo gefunden hat/
die hat er auch von anfang geliebt/ Ephes. 1. Darumb hat
Christus das wort des vatters auch vor dem angenommen
flaisch ingewonet/eingeleucht/gelebt/versönet vñ vertritt
ten alle auß erwölten von anfang/den Gottes gnad in iren
herzen prediget/das sy es empfunden/sich durch disen ewi-
gen Christum der im Abel lebt vnd getödt ward/aller güts

Der alten
Christus.

zu Gott versahen/ Welchs inen gnüg war/ ob sy gleich/ wie
oder wenn die quittierung vor der welt soll geschehen/ nit
wissen/ so wissen sy doch vnnd empfindens/ das kein feind
schafft zwischen inen vnd Gott ist/ vnnd das das lamb von
ewigkait getödt/ sy versonet/ vnd zu gnaden durch den in
wonenden Christum (der in inen sy disleret) angenommen
seind/ vnnd vor Gott/ ee sy waren/ das opffer für die sünd
schon geschehen ist/ Ja was das wort ist vnnd regiert/ der ist
in Christo/ vnd Christus in jm/ ob er gleich von dem namen
vnd histori Christi nye gehört hat/ so ist doch die krafft vnd
gaist desselben in inen. Das wort ist ain liecht vnd leben der
menschen/ Wer nun im wort ist wie das wort in jm/ in dem
ist vnd mag nit sein ainich feindschafft/ groll/ finsternus/
sünd/ tod ic. sonder eytellicht/ leben/ gerechtigkeit/ fryd/
vnd freud im hailigen gaist/ vnd das ewig leben. Was mer
von Christo zu wissen von nöten ist/ das wirdt in Gott zu
seiner zeyt zu eröffnen nit verhalten.

Ambrosius/ libro de Paradiso/ Cap. 8.

Wir hören nit mit leiplichen oren das gesatz Gottes/ son
der diemeyl Gottes wort in vns war/ seind etlich von dese
güten vnd bösen in vns auferwachsen. darauß wir das böß
ist/ natürlich zemeiden verstecken/ vñ was güte/ wissen wir na
türlich vnns gebotten sein. In dem hören wir Gottes stym
in vns/ die etlichs gebeüt etlichs verbeüt ic. Gottes gebott
aber lesen wir nit gleichsam in tafeln mit dinten geschriben/
sonder in vnns herzt getruckt vnd geschriben mit dem fins
ger dese lebendigen Gotes. Darumb machen wir vns selbs
ain gesatz/ Dann seytenthal die völder von natur thünd
dese gesatz inhalt/ beweisen sy hiemit das das gesatz geschri
ben sey in jr hertz ic. Darumb ist die menschlich achtung je
selbs ain gesatz.

Ain gäts
sömlin in
vns allen
gelegt.

Nun merck/ Gottes gesatz/ Sun/ sinn/ som/ wort/ gayst/
werden vilmales für ains genommen/ vnd mit ainem abwech
sel ains für das ander. Dañ weyl Gotes gesatz Gotes wort

ist die lieb vnd güt/ vnnnd aber Gottselbs das wort/ die lieb
vnd das güt ist/ vnd auch Christus eben das ist/ das Er ge-
redet hat/ nemlich das lebendig wort vnd gesag Gottes vnd
ain abdruck vnnnd bild seines wesens/ Joan. 8. So wirdt ye
ains für das ander genomen vil mals. Dis sag ich darumb/
das man nit sag/ Ja Gotes gesag ist in vns/ vnd sein wort/
aber nit Christus/ oder Got/ oder der h. gayst/ Wiewol nun
die schrifft auch ander swa vilfeltig bezeügt/ das Gott vnd
sein h. gayst gar nicht in gotlosen (darumb sy dann gotlos/
gaystlos/ glanblos ic. haissen) sey/ sonder allain in gleüb-
gen. Ist recht/ Er haist wol allain in gleübigen sein/ dann
da ist er allain in seinem ampt/ werck vnd reich/ Vnd ist nit
allain in jñ. sonder auch mit jñ/ Aber in gotlosen ist er allain
zñm gericht/ das er sy allain kyle/ nage/ kyppe/ vnd vmb
die sund straf/ vñ jr gotlos wesen sy dauon abzu fordern/ Ist
aber nit mit jñ solanng/ biß sy auch ains mit jm seind/ vnd
sich zñm einköñ/ so könt er sich auch zñ jñ. Darüb wirt auch
recht wol gesagt/ das er in kein bosshafftige seel gee/ Sap. i.
vnd das allain die hailigen durch den glauben den h. gayst
empfaben/ Gal. 3. Act. 2. Dañ da trit er erst in sein ampt/
das er sich regt/ vnd außbricht/ lert/ layt/ begüt/ begnadet/
rechtfertigt/ hailiget/ vñ aufmacht. Von ainem verschüt-
ten/ verstopfften pinnen wirdt recht wol gesagt/ Er hat
wasser/ ja lebendig güt wasser/ Widerumb/ Der pin hat
kein wasser/ vnnnd ist bedes war. Also/ weyl der gezeit des
gelts knecht vñ gefangner ist/ vnd es nit darf brauchen/ hat
er nichts/ ob er alles hett/ vnd ebenso wol diß nit das er hat
als das er nit hat/ So er aber frey wurde gemacht/ vnd das
gelt anfahet zu brauchen vnd anzulegen/ den erst ist es war
das er gelt hat/ vnd es nit ine. Eben also geet es zñ mit dem
gotlosen vnd gayst Gottes/ Vergleichs selber. Lieber was
ist doch das bild Gotes in vns/ dañ diß güt götlich fünckle/
der zundel/ das güt erderich/ welchs gleich wol mit stauden
vñ heckñ über wachsen ist/ so wir es aber den bawman got/

von disteln vnd dornen lassen rannen / vnd das eufferlich wort
darnach darcin felle / so fahet es / als wan feur in ain guten
zundel felle / Denn springet das verstopfte wasser in dem ver
schuerten verfallnen pannen herfür / Vnd bringet das kömlin
so drcin gesetzt wurde / hundertfelig frucht / Luc. 8.

Demnach / wann nichts götlichs in vns were / wie wolt
vns Got richten vñ von vns fordern / das er vns nit geben
noch in vns gelegt hat / Röm. 3. Item wie solten oder wol
ten wir die Schrifft / Prophecey vnd alle ler vitailen / wie al
len menschen / auch die nit lesen können / befolhen ist / Mat. 7.
man muß ye alles zñ dem zeügnuß vnsers herrs vñ in wens
diges wort Gotes als zñ ainem probstain haben. Der got loß
aber wurde des schatzs in seinem hertzen vergraben nimer
gwar / vnd ist im gleich / als so ainer haimlich gelt in ainer
taschen mit jm trüg / wiste es aber nit / vnd wurde es auch
nimer gwar / der het bey habenden dingen nicht ain haller /
wann jms aber ainer aufdeckt vnnd anzaiget wa es lege /
das er es anleget vnd brauchet / so wurde recht gesagt / das
eben dise stund er das gelt empfangen hab / so er es doch vor
lang in der taschen on wissend gehabt vñ umbragen hat.
Also gerad ist Gottes wort / gesagt vnd der h. gaist im got
losen verschütt vnd zñdeckt / das er sein nit empfindet vnd
selbs nit waist / ja nit glaubt so ima yemande ansagt / bis
er selbs ein kört vnd erfert / Wer nun disen menschen zñ jm
selbs einweist / das er des schatzs vñ sein berlins das in dem
acker seines hertzen vnwissend verborgen ligt / gewar wirt /
zñ selben stund spricht man hat der disen schatz / vñ h. gaist
empfangñ. Also / do der hailig gaist in Aposteln außbrach /
eröffnet wurd (wie am pfingsttag) do er sy besaß / vnd sy in
begriffen / wie er sy vorhet begriffen / ja in hetten / wie er sy
het / Da sagt die schrifft / die auf dise offenbarung vnd anle
gung sibet / auf disen pfingsttag habñ sy den hailigen gaist
empfangen / so sy in doch vorhetten / Auch vor dem / als der
herr den zñm zeügnuß einbließ / vñ wie ain glüendes funckle

Die schrifft
sibet auff
die offen
barung vñ
anlegung
des gaists
Gotes.

vnder ainem aschen hauffen des flaischs austrach vnd auf
pließ/ Joan. 20. Er gab jñ das sy vorbetten/ aber nit gwar
namen/ Wie ainer. der ainem zehen guldin in seiner täschñ
zaigt die er nit waist/ der gibt im eben die 10. gulden zu di
ser stund so er jms zaigt/ ob er sy gleich vor in der täschñ hat
gehabt/ aber on wissen vnd frucht. Wann nun der h. gayst
auspricht/ in sein ampt tritt/ Das lebendig wasser im ver
schütten pinnen von Got geraumet ausspricht vnd herfür
quille/ vnd Gott das feurig fündle vnd sein bild in vns ver
legt/ vnnnd gloschend austricht/ vnnnd im menschenzaichen
thut/ So spuchet man erst recht/ der mensch hat den h. gaist.
Darumb spricht Paulus/ das wir jn erkennen/ wie wir von
Gott erkannt seind/ Gal. 3. 1. Cor. 13. Gott begreifen wie
wir von Got ergriffen seind/ Phil. 3. Item weyl diß gesag
der natur/ Quid tibi non vis fieri/ das Esag/ Propheten/ vñ
Christus ist. Matth. 7. Darauf volgt ye/ das es alles zumal
in vns ist/ das licht/ leben/ Got/ sein wort/ gesag ic. Das ist
aber der feel/ vnder schid vñ verdanuß/ das wir nit im lieche
leben/ Gott/ vnd seinem wort seind/ vnd wandlen wie es in
vns ist/ das wir nit ergreifen vnd erkennen/ wie wir ergrif
fen vñ erkannt seind. Daher spricht die schrifft von gotlosen/
Spiritu non habentes. In der Epistel Jude/ Item Cap. 1.
Der ain ding nit waist/ anlegt/ vnnnd braucht/ hat es nit.
Darüb spricht Paulus/ 2. Tim. 1. Das Timoth. die gnad
so in jm ist/ aufweck/ brauch vñ anleg/ Vnd das sy die gnad
Gotes nit vergeblich nemen vnd haben/ Thesauri absconsi
dici nullus vsus/ ita gratie spiritus ic. Eccl 34. 2. Cor. 6.
Item 1. Tim. 4. Noli negligere gratiã. Huc spectat para
bola de talento/ Matth. 25. Luc. 19.

Aug. in Joan. Tractat. 49. Cap. 11.

Da zaigt er an 4. töd/ Den ersten/ den wir mit vns auß
müter leib tragen/ Rom. 5. Den andern/ So man sündt wi
der das gesag der natur/ Tob. 4. Das du nit wilt das man
dir thñ ic. Zum driten/ zumerer verdanuß vñ überzeugung

auch wider das geschriben gsatz. Zum vierdten / auch wider
das new gaislich gsatz des newen testaments. Nun volge
yeder sünd jr tod. Darumb wirt es Tyro / Sodome vnd So
moren an ibenem tag treglicher ergeen / als die weniger
überzeugt seind / dann Capernaum / Betsaida ic. als die zu
irem vrtail tryfach überweist seind / Nemlich mit dem na
türlichen schrifftlichen vnd euangelischen gesatz der genad /
Vnd in vier töden die hie Augu. erzelt / tod ligen / vnd zu der
stym des Herren / Lazare / kom herfür / nit auffstecken wollen.

Hiero. super illud / Oēs stientes venite ad aquas /

Lib. 15. Cap. 55.

Wir sollen diser weisheit nachjagen / die nit auf die blei
ter geklüttert in verblümten worten steet / sonder im marck
vñ krafft des gaysts oder der sñ / die nit für die oren küßer
lich hinfliegt / sonder das gmüt regt vnd ergetz / welche zu
lernen nit von nöthen ist / das wir über meer schiffen / oder
vil kostens darauf wenden / sonder nahend ist das wort / be
de in vnserem mund vnd hertzen / Deut. 30.

Taulerus im dritten tail seiner predig /
Sermon auf den h. Pfingsttag.

Ain Maister spricht / Das Got sich selber fail trage allen
creaturen / ain yedliche empfahe sein so vil sy wölle ic. Ain
andier maister spricht / Gott ist ain maß aller ding / vnd als
vil ain mensch mer Gotes in im hat / dann der ander / so vil
ister weiser / edler vnd besser dann der annder. Mer Gottes
haben aber / ist nicht / dann meer Gott gleich sein / Je meer
Gottes gleichnuß in vns ist / ye gleicher wir seind. Dis sagt
auch Boetius lib. 3. vel. 4. Prof. 10.

Taulerus am dritten tail seiner anhangenden
Predig / auf S. Benedicte tag.

Gott wes
sentlich in
allen din
gen / Göt
lich in der
seel.

Nun mercken / Nyen ist Gott als aigentlich Got / als
in der seel / In allen creaturen ist etwas Gottes / aber in der
seel ist Gott göelich / wann sy ist sein rñwstatt. Darüb spiach
ain Maister / Gott lieber nicht / dann sich selber / er verzeret

all sein lieb in jm selber. Es were wol ain thot/der mit ainem
 begriff/begreifen möcht hundert marck silbers/vñ begriff
 nur ain pfening. Sein lieb ist in vns ain blien des h.gaists.
 Ain ander wort hie von/Gott liebet nicht in vnns dann die
 güte die er in vns wircket. Ain hailig spricht/Es wirt nicht
 gekrönet von Gott/dann sein aigen werck/das er in vnns
 wircket. Nyemant soll erschrecken hie von/das ich sprich/Das
 Gott nicht liebe/dann sich selber/Es ist vnns aller bestes/
 dann er mainet vnns aller größte seligkeit hierin. Er will
 vns hiemit in sich selber locken/das wir geleutert werden/
 das er vns in sich setze/auf das er vns in jm/vnd sich in vns
 mit jm selber mög lieb habñ/Vnd jm ist also not nach vnser
 lieb/das er vns in sich locket/mit allem dem/damit er vns
 in sich mög püngen/es sey gemacht oder vngemacht. **Trutz**
 Gott/das er ymer über vnns verheng/damit er vns in sich
 nit locke/Ich will des Gott nymer gedanken/das er mich
 lieb hat/dann er mag es nit gelassen/er wöll oder wöll nit/
 Sein natur/welche eytel lieb ist/zwingt in dartzu/Ich will
 jm des dancken/das er nicht dann gut kan sein/vnnd von
 seiner lieb vnd güte nit gelassen kan/er muß mich lieb ha-
 ben/das wir vns selber erkennen/vnd in Gott gesetzt wer-
 den. Dis ist nicht schwer/Dann Gott muß dis selber wircken
 in vns/dannes ist ain gölich werck/der mensch volg nur/
 vnd widerstee diesem werck Gottes nit/er leyde/vnd laß Got
 wircken/Das wir also got volgen/das er sich in vns möge
 setzen/das wir mit jm verainet vnd eingaißt werden/das
 er vns in vns mit jm selber mög lieben/das helff vns Gott.

Trutz got
 das er nit
 vnnser bes-
 tes sich/
 vñ vns all-
 zeit lieb.

Taulerus auf den zwelfften Sonntag nach Trini.

die erst predig/Litera occidit.

Es wollen erlich das getreüß des gewissens mit vil fra-
 gen vnd hören ablegen/hoffen allzeit etwas zu hören damit
 sy hail werden. Sihe lieber mensch/lauff weyl du lebst/es
 hilfft dich zumal nicht/du müß es von innen warten/vnd
 da nemen/vnd zu grund lassen ic. Dañ wissen alle die gotes

Ausgan-
 gen ward
 nie so gut/
 then plibñ
 war besser

sein wollen/die hören sich zu in selber/vnd zu sich selber/vnd
wissend/wolt ir ymer köstlich werdē vñ gäistlich/so misset
einer außlauffen lassen sein/vñ eüch einköhen/Daß mit vil
woitten gewißen irs nymer/hören gleich wie vil ir von auß
sen wollen ic.

Augu. in Psal. 3. In te Domine speravi/ Versu 1.

Was rümpst du dich: was übernymst du dich des gsfar:
Diest du nit was inwendig in dir vñ dir wider dich kriegt:

Idē in psal. 43. ver. Ad iune nos propter nomē tuū.

Das wir dein nit vergessen/vñ vnser hertzn nit abweiche/
vnd vnser hēd nit zu andern götern sich außstrecken/wie
vermöchten wir es/wa du nit hülfest/wa du nit inwendig
vns antdest/ermantest/vnd nit verliesest.

Fulgencius Libro primo ad Monimum.

Der maister in vns/von dem wir die hülf des göelichen
worts empfahen/thut nit allain den sūchenden auf den ver
stand seiner red/sonder auch vergebens gäistet er vns ein/
den affect/willen vnd lust zu sūchen. Dañ es mag vns auch
nich hungern nach dem prot das von hymel gestigen ist/dañ
es werde vns vtrūngigen der hunger geben/von dem der zu
erfüllen die hungerigen gnedig ist. Von im ist auch das wir
durstig zu dem pūnnen lauffen/der sich selbs vnns gibt zu
ertrinken. Auf beide weg ist er zu loben/von beder gnad we
gen/so er vnns schlefferigen/in zu sūchen/aufweckt/oder so
er sich vnns sūchenden zu finden gibt/ Der zwar in kainen
weg mag gefunden werdē/wa er vns nit zesūchē aufweckt
vnd den sūchenden zu finden gibt ic. Darumb thut Got als
le werck in vns/die von vns in Got geschehen/Daß auß im/
durch in/vnd in im seind alle ding. Darumb ist auß im bede
der güte will vnd werck/Welches der lerer der Hayden also
auspricht/Gott ist es/der in eüch wirckt bede das wollen
vñ das thūn/nach dem güten willen des gemüts/Wienun
Salomonspricht/Das der will vom Herrñ werdeberait/al
so kömte auch das volpingen vom Herrñ/das wir in güten

In vnns
leret vns
Gott in
sūchē vil
finden.

Ephes. 1

paulus/
Phil. 2.

wercken wandlen/ Darumb Paulus spricht/ Auß gnaden
sind ir selig worden ic.

at Sibeher nach/ Titulo Von der gnad vnd verdienst/ vil
von dem einplaten vnd eingaißen der gnaden Gottes.

Das 3. buch/ Qui sequitur me/ Die nachuolg Chri-
sti genant/ Wie Got on eüsserlich wort/ mit
der gläubigen seel zureden gewon sey.

Ich will hören was Gott in mir rede. Die seel ist hailig/
welcheden Herrn in ir reden hört/ vnd das wort des trosts
auf seinem mund empfahet/ Selig sind die oren/ so die wort
des gödelichen raunens vernemen/ vnd das raunen vñ lieb
losen diser welt nit hören noch mercken / Ja warlich selig
sind die oñ/ so nit außwendig auf die klingen tönend stim/
sonder auf die weißheit/ so inwendig lert vñ redt/ mercken
vñ acht haben. Selig sind die augen/ so den eüssern dingen
beschlossen/ den inern aber allain offen sind. Selig sind die
sungen menschen/ so die inwendige ding durchtringen/ vñ
sich teglich ye mer vnd mer züberaiten/ auf das sy hymliß
geheimnuß begreifen. Selig sind die sich frewen got allain
zu hören/ dienen vñ aufzuwarten/ vñ sich von aller hinder-
nuß der welt entschütten. Diser ding nim ebñ war mein seel/
vnd bschleüß die thür deiner sñlichkeit/ auf das du mögest
hören/ was Gott dein Herr in dir rede/ Das spricht dein ge-
liebter Herr in dir/ Ich bin dein hail/ dein fryd/ dein leben/
behalte mich bey dir/ so wirst du fryd finden ic.

Am 8. Cap. im andern buch daruo: spricht er/ Wenn die
Christus innerlich nit zuspricht/ so ist aller trost schwach vñ
hailloß/ Redt aber Christus nur ain wort/ so empfindest du
ains grossen trosts.

Darumb vergleicht Aug. super Joan. das wort Gottes
ainem angel der fahet/ so er gefangen wirt. Der angel ligt
in vns/ fahet aber vns nit/ wir schnappen dann darnach/
Ja er fahet nit/ er werde dann von vns gefangen/ Den fa-
het er/ so er gefangen wirdt. Darumb spricht Christus/ So

gots wort
ainem an-
gel engel-
het.

yemandt Gots wort vnd geböthör vnd thū/ zū dem werde
 sein vater komen vñ wonung bey im haben. Irē das durch
 den glauben/ der das wort fahet vnd den angel annymt/ ja
 wie er dauon gefangen vñ begriffen ist/ dan erst haben wir
 das wort/ so es vns hat/ Dennerst hat es vns/ so wir es ha-
 ben/ Ob es wol vorin vns war/ vñ vns ergriff/ ja nach vns
 griff/ so waren wir doch nit im wort/ vnd ergriffen es nit
 wie es vns/ darumb hetten wir es auch habende nit/ weyl
 es vnns nit hett.

Teütsche Theology/Cap. 9.

Soll der mensch selig werdē. so will vñ muß das Ain (das
 ist das ainig böchst güc) all ain in der seel sein ic. Volgenach
 wenig woiten/ Es darf aber nit erst in die seel komen/ dan es
 schon zū vor darin ist/ Es ist aber vnertāc/ Wen man nun
 spricht/ Man soll das annemen/ einlassen od darzū komen/
 ist souil gesagt/ man soll es süchē/ empfindē vñ schmeckē ic.

Thomas vō Aquin/ in der vored Cathene auree.

Der puñ der weißhait/ das aingeborn wort gotes/ figen-
 de in der höbe/ durch welchs der vatter alle ding weißlich ge-
 macht/ hat wöllen in den letzten zeiten das flaisch an sich ne-
 men/ das doch vnder dem deckel der leiplichen natur/ seinen
 glanz das menschlich aug möcht sehen/ den es in der höbe
 seiner götlichen maiestet nit mocht erraichen/ Er het gleich
 wol sein glanz/ nemlich seiner weißhait ain gspür/ fißstapf
 vnd anzaigung/ über alle werck die er erschaffen hat/ auß-
 gossen/ yedoch hat er mit etwas ainem grösseren priuilegi-
 on/ sein aigen bild der menschlichen seel eintrückt/ wie vil
 fleißiger er sein Bildenuß/ in den herzen deren/ so in lieben/
 nach der miligtait seiner gnad vnd gaben außtrückt hat.
 Aber weyl dis liecht der weißhait den menschen eingegossen
 durch die finsternuß der sünd/ vnd durch die nebel zeytlicher
 henndel/ verfinstert ward ic. Da wolt die götlich weißhait
 (die den menschen zū jr eer vnd glori/ das er jr solt genießen/
 vnd mit jr leben erschaffen hett) der menschlichen natur nie

Gott sein
 reich vnd
 wort in d
 seel.

also geraten./ Ließ sich derhalb ganz vn̄gar in die mensch-
lich natur./ Diemenschendoch auf die weis̄ in sich zu ziehen.

Taulerus an ainem ort.

Das plos̄ güt./ leben./ vnd wesen in allen dingen./ ist Got.
Liß zwopiedig auf den dritten Sonntag nach Ostern./ im
andern tail./ *Modicum et iam videbitis me etc.* Wie Got on
mittel in vns zū vnser seel handle.

Augu. super Pater noster.

Gott ist in̄ gotseligen als ain nothelffer vnd regierer in
seinem reich./ in gotlosen aber als ain schreck vnd forcht.

Grego. in Morali.

Gott ist vnd bleibe in./ vnder./ ob./ auß./ vn̄ über alle ding.
Ist Got ain gaist vnd gemüt./ so ist vnser gaist vn̄ gemüt
got./ vn̄ das bild gotes./ Daher auch das gemüt in dem leib
gleich eingesperrt./ nit verschlossen sein mag./ sonder frey vn̄
schwaifft./ vn̄ über den zaun des leibs vngefangen springt.

Dise vnd der gleichen zeügknus̄ bewegen mich./ das ich
vestigklich glaub./ das Got sein wort./ gaist vnd gnad in al-
len menschen sey./ das vns auch all vitailen wirdt./ *Joā. 1. 2.*
Das ist all ain der mangel./ das wir nit in Gott seind./ vnd
seinem reich./ wiesy in vns./ vnd sy nit ergreifen./ wie wir vō
in ergriffen seind. Der gaist in vnns wirbt vmb vnns./ gibe
zeügknus̄ der warhait./ vnd zeüget das gaist die warhait ist.
Wer nun dem zug des vatters volget./ vnd disem liecht in
im aufgesteckt nachgeet./ der kompt on mittel in Gott. Dis̄
licht ist sein Christus./ mitler./ weg./ vnd layter in Got. Alle
die nun in allen winckeln der erd̄n./ auch vnser ełter./ disem
licht./ gnad vnd gaist seind nachgangen dem zug des vater-
ters durch sein sun in in./ das ist durch das wort vnd krafft
Christi in in./ haben genolgt./ die haben mit Abrahā den tag
des Herr̄n gesehen./ vn̄ mit allen fromen vom Abel an von
dem felsen getruncken./ vnd das war hymel brot Christi ge-
essen zū ewigen leben./ in Got gezogen. Er ist kein anseher
der person./ noch verenderung der zeyt bey im./ das er ainem
f iij

Alle namē
gottes/ ain
Gott.

volck genaygter/ vnd zu alner zeyt gnediger sey dan̄ z̄r an
dern/ Wer zu aller zeyt vnder allen volckern Gott der in jm
ist/ volgt/ spricht vñ recht thut/ der ist jm angemen/ Act. 10.

Das ich aber Gott/ sein gaist/ wort/ krafft/ liecht/ leben/
gnad/ finger/ Christum/ Sun/ sñ/ somen ic. für ains hale/
macht der abwechsel/ das in der schrift ye ains für das an
der genommen wirt. Joā. 1 2. spricht Christus/ Ich weiß das
sein mandat oder gebot das ewig lebñ ist. Was ist nun sein
mandat dan̄ sein wort/ was ist sein wort dan̄ sein gaist vñ
gnad/ Darüb dan̄ Paulus/ Röm. 6. mit ainem abwechsel
die gnad Gottes das ewig leben/ wie Christus das gebot/
Joan. 1 2. Was ist nun sein wort/ gaist vñ gepot/ dan̄ Go
selbs/ Joan. 1. Derwegen wirt yetz Got ain liecht vñ pñ
genent/ yetz Christus/ yetz der h. gaist. Yetz Christus die war
hait/ Joā. 1 4. yetz der gaist. 1. Joā. 5. yetz Got/ Yetz mache
die gnad/ yetz gottes wort/ yetz Christus/ yetz Got/ yetz die be
schneydung/ yetz das gefaz/ yetz der tauß/ selig/ welche ye al
le ains seind/ vñ ains für das ander wirt genommen/ Dan̄
der recht tauß vñ wasser/ das vns von̄ sünden wascht/ vñ
das recht gaistlich plüt/ damit wir besprenge vñ versünet
werden. Item die war beschneydung des hernens on hend/
an gemüt vñ sñ/ ist nicht anders dan̄ die krafft Christi vñ
des h. gaists/ der diß alles in der warhait ist vñ thut. Darüb
spricht Joānes/ Got war das wort ic. welchs auch das lebñ
war/ vñ das leben war ain liecht der mēschen/ Jo. 1. welchs
liecht war Christus/ Jo. 1 3. 8. 1 2. Sibest du wie ye ains für
das ander wirt genommen/ vñ nur vil namen seind des ainē
gen Gottes/ vil krefft des ainigen gaysts vñ all zeügen im
hymel vñ auferden/ das ist/ in Engeln vñ menschen/ von
der warhait/ 1. Jo. 5. vñ in ains dienen/ wie sy all ain
seind/ Vater/ Son/ vñ h. Gaist/ Wasser/ plüt/ wort/ gaist ic.
all ain in̄ namen/ personen/ amptern vñ krefft vñ schidē.

Zeignuß der Hayden/
Von der inwonenden krafft Gottes.